


შეშ ატყიანდე



ლიტერატურული
ზღაპარი
ილუსტრაციები ავტორისა



2001 წლის თებერვალში ეს ლიტერატურული ზღაპარი აღინიშნა პირველი პრემიით გაეროს ბავშვთა ფონდის (იუნისეფის) კონკურსზე, რომელიც მიზნად ისახავდა ბავშვთა უფლებათა დაცვის კონვენციის ამსახველი საუკეთესო ლიტერატურული ნაწარმოების შექმნას.

გამომცემელი: მარინე ცხადაია

კომპიუტერული უზრუნველყოფა: ნანა ესართია

© ზაზა აბზიანიძე. ტექსტი, ილუსტრაციები, დიზაინი

© გამომცემლობა „პეგასი“, თბილისი, 2009

გამომცემლობა „პეგასი“

თბილისი, ი. ჭავჭავაძის გამზ. 27

ტელ.: 390727; ტელ./ფაქსი: 421000

ელ-ფოსტა: book@pegasus.ge

ვებ-გვერდი: www.pegasus.ge

ავტორის ელ-ფოსტა: abzianidze@hotmail.com

ISBN 978-9941-9113-2-3

„ბაბთა“ რას ნიშნავს?

- „ბუსუსუსულების ასოციაციის ბავშვებთან თანადგომის აქცია“.

- ეს ბუსუსუსულები ვინდა არიან?!

- ბუსუსუსულები როგორ არ იცი?! უსაყვარლესი არსებებია - ცოტა ეშმაკუნები, ცოტა მიამიტები. რაც მთავარია, უბოროტონი.“

ყურმოკრული საუბრიდან.

ბუსუსუსულების ასოციაციის საერთო კრება ღვაწლმოსილმა ნაგაზმა ბუსომ გახსნა.


- პატივცემულო მხეცებო! - ვინ აცალა: „თვითონ ხარ მხეცი, ჩვენ ბუსუსუსულები ვართ!“

- კოლეგებო!

- ამას სადღაც სხვაგან ჰგონია თავი, ხომ გითხრეს, როგორ უნდა მოგვმართო? იმის თქმა ხომ არ გინდა, რომ რომელიმე ჩვენგანი სინამდვილეში ბუსუსუსულა არ არის?! - აწიკვინდა ტურა კომპარინა.

ბუსომ ამოიოხრა და, ბედთან შერიგებულმა, თავიდან დაიწყო თავისი შესავალი სიტყვა: „ძვირფასო ბუსუსუსულებო! გთხოვთ, საშუალება მომცეთ ვთქვა ჩემი სათქმელი. მით უმეტეს, ის, რისი თქმაც მე მიხდა, ყველა თქვენგანს ეხება.“

დავიწყებ ერთი აფორიზმით, რომელიც პატივცემულმა კუ ზიგლინდამ წარმოთქვა ადამიანებზე ორმოცწლიანი დაკვირვების



ბავშვთა იფლებათა 18 წლის
ასაკ მთელსველი ნაწი,
აუ რიმეოდუ ქვეულის
კანონმდებლობა არ
იფულისჩინებს სსურსთაფუძის
მდებრეს ყფრო მქართუ ასჯრ.

ბავშვის უფლებათა კონვენცია: მუხლი 1

აქ მოყვანილი წარწერები ბუსუნსულების ასოციაციის წევრმა თვითნასწავლმა მხატვარმა შიმპან-ზუკომ გადმოიწერა „ძირითად დებულებათა არაოფიციალური ჩამონათვალიდან“, რომელიც თან ახლავს „ბავშვის უფლებათა კონვენციის“ ოფიციალურ ტექსტს.

შედეგად: „ - ნეტავ როგორ გამოდის ამდენი კარგი ბავშვისგან ამდენი ცუდი ძია?!“ (ზიგლინდამ, გაამაყებულმა და ნასიამოვნებმა, რამდენზეც კი შეეძლო, თავი გამოყო თავისი ბაკნიდან).

კატა აგნესამ წაიკნავლა: - ზუსტად ისე ხდება, ჩემო ბუსო, როგორც თქვენთან - ძაღლებთან: საყვარელი ლეკვებიდან ავინაგაზები რომ გამოდიან!

ბუსომ ყური არ შეიბერტყა: - მოკლედ, ასეა თუ ისე, ამ „ცუდ ძიებს“ რა ღღეში ვყავართ, კი ხედავთ; ნუ გეშინიათ, არც ბავშვებისთვის იკლავენ თავს (საკუთარი თუ არაა, ცხადია). სუსტი ყოველთვის დაჩაგრულია. ახლა ჩვენ დავეხმაროთ ბავშვებს და მომავალში ისინი გადაგვიხდიან სიკეთით. რა, ცუდი აზრია?!

- რითი შეგიძლია დაეხმარო, „ცუდი ძიები“ დაკბინო თუ რა?! - ცოტა არ იყოს, დამცინავად ჩაეკითხა ბუსოს იხვი ჭიჭიკო. ბუსომ სიტყვა აიტაცა და განაგრძო, - თუ საჭირო იქნება, დაგვბენ კიდევ, მაგრამ, სანამ საქმე დასჯამდე და კბენამდე მივიდოდეს, ხომ უნდა ვიცოდეთ, ვის ვსჯით და რისთვის. ეს ჯერჯერობით არც ჩვენ ვიცით და არც ბავშვებმა იციან წესიერად. ჰოდა, სწორედ მაგიტომ შეგკრიბეთ.

მე რომ ვდარაჯობდი „გაეროს“ ბავშვთა ფონდს, სწორედ იმათი გამოშვებულია „ბავშვის უფლებათა კონვენცია“ - სხვათა შორის, ჩვენმა კოლეგამ და მეგობარმა შიმპან-ზუკომ ნაწილობრივად დაასურათა კიდევ. გადავხედოთ, ბავშვებსაც ვანახოთ და ავუხსნათ. თუ რამე გაუგებარია - აგერ არაა პატივცემული ამბაკო? მაგისტანა გამოცდილების თავი თუ გეგულებათ სადმე?! ვინ გაგვიწევს უკეთეს იურიდიულ კონსულტაციას?! რაც მაგას სასამართლოს არქივში საქმეები აქვს გადაღეჭილი...




ბუსუნსულების ასოციაციის პრეზიდენტი, ნაგაზი ბუსო

ბუსუსსულები საგრძნობლად გამოცოცხლდნენ. შიმპან-ზუკომ სასწრაფოდ გაშალა დაგრაგნილი ტრანსპარანტი ზიგლინდას გამონათქვამით და თავისი ორი ნახატით - „საყვარელი ბავშვები“ და „ცული ძიები“.

კოტა ხნის შემდეგ ტრანსპარანტი ხეებს შორის იყო გაჭიმული, ნახატებიც იქვე დაამაგრეს.

ბუსომ ამ მცირე შეყოვნების შემდეგ კიდევ უფრო რიხიანად განაგრძო: - ჩემი უმწიკვლო ბიოგრაფია ხომ ყველამ იცით?!




ბავშვის უფლებათა კონვენცია: მუხლი 2

1. მონაწილე სახელმწიფოები პატივს სცემენ და უზრუნველყოფენ მათი იურისდიქციის ფარგლებში მყოფი თითოეული ბავშვის ყველა უფლებას, რომელიც წინამდებარე კონვენციითაა გათვალისწინებული, ნებისმიერი სახის დისკრიმინაციის გარეშე, რასის, კანის ფერის, სქესის, ენის, რელიგიის, პოლიტიკური თუ სხვა მრწამსის, ეროვნული, ეთნიკური თუ სოციალური წარმოშობის, ქონებრივი მდგომარეობის, ბავშვის, მისი მშობლებისა და კანონიერი მეურვეების წინამართელობისა და დაბადების მდგომარეობის ან სხვა რამ ვითარების განურჩევლად.

- ვიცით, ვიცითო!... - ერთხმად უპასუხეს ბუსუნსულებმა.

- აუჰ, ახლა ეს თავიდან მოჰყვება თავის ბიოგრაფიას, - ამოიოხრა ტურა კომმარინამ. იცოდა, რასაც ამბობდა...

- მე რომ კურკაძეების ოჯახში ვცხოვრობდი, - გადაუხვია ბუსომ თხრობის ძირითად გეზს, - ბავშვებს მთელი დღით მიტოვებდნენ, ძიძაზე უფრო მეტად მე მენდობოდნენ, მალაზიაშიც მგზავნიდნენ; მაშინ იყო, მედლებით რომ დამაჯილდოვეს. მერე „გაეროში“ გადავედი.



ბავშვის უფლებათა კონვენცია: მუხლი 3

1. ბავშვის მიმართ ნებისმიერ ქმედებათა განხორციელებისას, მიუხედავად იმისა, თუ ვინ არის მათი განმახორციელებელი, - სახელმწიფო თუ კერძო დაწესებულებები, რომლებიც მუშაობენ სოციალური უზრუნველყოფის საკითხებზე, სასამართლოები, ადმინისტრაციული თუ საკანონმდებლო ორგანოები - უპირველესი ყურადღება ეთმობა ბავშვის ინტერესების დაცვის უკეთ უზრუნველყოფას.


(„დააწინაურეს“ - დაახუსტა რომელიღაც ბუსუნსულათაგანმა). იქ რამხელა დამსახურება მქონდა, ამაზე ცალკე უნდა მოვყვე...

- ახლა შენ თუ კიდევ გააგრძელებ მაგ თემას, გავგიჟდები; მოდი რა, ძმურად, აგვიხსენი, რა უნდა გავაკეთოთ? - სიტყვა შეაწყვეტინა ბუსოს თუთიყუშმა პაკომ.

ბუსო განაწყენდა: - ეს ძველბიჭური ტონი ზოოპარკში შეითვისე თუ რა? ბურკადის ბავშვები იმიტომ ვახსენე, რომ ახლა სხვა ბავშვებსაც უნდა მივხედოთ და ერთად უნდა გავაკეთოთ ეს საქმე. დაუზეპირებია - „ძმურად“, „ძმურად“. არ ვარ მე შენი ძმა...

- შენ ჩვენი პრეზიდენტი ხარ, - ცოტა არ იყოს, დაფრთხა პაკო.

- ჰოდა, თუ პრეზიდენტი ვარ და ეს ასოციაცია მამარია, მომის-
მინეთ ცოტა; კარგი საქმისთვის შეგყარეთ აქ, - გახალისდა ბუსო.



ბავშვის უფლებათა კონვენცია: მუხლი 4

მონაწილე სახელმწიფოები ღებულობენ ყველა აუცილებელ საკანონმდებლო, ადმინისტრაციულ და სხვაგვარ ზომას წინამდებარე კონვენციით აღიარებულ უფლებათა განსახორციელებლად. მონაწილე სახელმწიფოები ეკონომიკურ, სოციალურ და კულტურულ უფლებათა რეალიზაციისათვის ასეთ ზომებს ღებულობენ მათ ხელთ არსებული რესურსების მაქსიმალური გამოყენებით, აუცილებლობის შემთხვევაში კი - საერთაშორისო თანამშრომლობის ფარგლებში.

ბუსუსულეებიც დაშოშინდნენ და ახლა უკვე ინტერესით უსმენდნენ, რას მოჰყვებოდა ბუსო მათი მომავალი აქციის შესახებ.

ბუსომ საქმიანი კილოთი განაგრძო: - პირველ ყოვლისა, ჩვენ უნდა გავარკვიოთ ბავშვის ცნება (როგორ ემჩნევა საერთაშორისო ორგანიზაციაში მუშაობის გამოცდილება, - ჩაილაპარაკა ინდაურმა შურთხიამ). მაშ, ვინ არის ბავში?



ტურა კოშმარინა

- მაგას მე გეტყვით, - თავი გამოიღო ვირმა ლენჩომ, - უცთომელი საზომი არსებობს, - შარვლის და კაბის სიგრძე. თუ საერთოდ არაფერი არ აცვია, - ესე იგი, ჯერ სულ პატარაა - ანუ ბალდი; ტრუსებით ან სულ მოკლე კაბით თუ დარბის, - ბავშია; შარვალს რომ ჩაიცვამს და გრძელ კაბას, ესე იგი, უკვე გაიზარდა, დიდა.

ბუსუსულეები ახმაურდნენ:

- ლენჩო! ბაბუაშენს მაწონი რომ დაჰქონდა ქალაქში იმდროინდელ შთაბეჭდილებებს გვიზიარებ, თუ როგორაა შენი საქმე?! - გაეხუმრა ვირს ტაქსა ავგუსტინა: „ქალაქში ნამყოფი არა ხარ? მოსახლეობის ნახევარი, დიდიან-პატარიანა, კაციან-ქალიანა, შორტების ამარა დარბის, გაარჩიე ახლა, რომელია დიდი და რომელი პატარა“. ლენჩოს შერცხვა, თავი ჩაღუნა და ყურები ჩამოყარა.

- კარგი ახლა, ნუ გააწითლეთ ეს პატიოსანი ვირი, - ჩაერია ბუსო, - მე წაგიკითხავთ ბავშვის ცნების განმარტებას: „ბავშვად ითვლება 18 წლის ასაკს მიუღწეველი პირი, თუ რომელიმე ქვეყნის კანონმდებლობა არ ითვალისწინებს სრულწლოვანების მიღწევას უფრო მცირე ასაკში“.


- ამბაკო, - მიმართა ბუსომ თავს, - ჩვენი კანონმდებლობა რას ამბობს ამის თაობაზე?!

- იმავს, - ეჭვმიუტანელი კილოთი განაცხადა ამბაკომ.

- კი, მაგრამ, იმ შენი ბურკაძეების ბოვში რომ გეიპარა 15 წლისა სახლიდან და გათხოვდა, მაშინ არ იცოდი კანონმდებლობა? - ეშმაკურად ჩაეკითხა ბუსოს კატა აგნესა.

- ჰოდა, მაგიტომაც გამამწესეს „გაეროში“, - ამოიოხრა ბუსომ, - დამეკბინა 16 წლის შტერი სასიძო, თუ რა მექნა?! მაგას კანონი ვერ უშველის, მაგას შეგონება სჭირდება. თორემ დაბადებს ეს ორი ბავშვი მესამეს, მიაგდებენ და გავარდებიან მერე აქეთ-იქით...

ახლა თქვენ გადამახვევინეთ თემას. შემდეგ მუხლსაც წაგიკით-




ბავშვის უფლებათა კონვენცია: მუხლი 5

მონაწილე სახელმწიფოები პატივს მიაგებენ მშობლებისა და შესაბამის შემთხვევებში ადგილობრივი ადამიანების შესატყვისად ფართოდ გაგებული ოჯახის წევრების ან თემის, მეურვეებისა და სხვა პირების უფლებებსა და მოვალეობებს, რომლებიც კანონის მიხედვით პასუხისმგებელი არიან ბავშვზე, იმაზე, რომ სათანადოდ ხელმძღვანელობდნენ ბავშვს წინამდებარე კონვენციით აღიარებულ უფლებათა განხორციელებაში და აკეთებდნენ ამას ბავშვის უნართა განვითარების გათვალისწინებით.

ხვთ, ეს არაა გამოსატოვებელი: „კონვენციით გათვალისწინებული უფლებები თანაბრად ეხება ყველა ბავშვს ყოველგვარი გამონაკლისის გარეშე. სახელმწიფო ვალდებულია დაიცვას ბავშვი დისკრიმინაციის ნებისმიერი ფორმისაგან და მიიღოს ყველა ზომა მისი უფლებების დასაცავად“.

- „დისკრიმინაცია“, „კონვენცია“ - მე არ მესმის და ბავშვი როგორღა გაიგებს, - აქოთქოთდა ინდაური შურთხია: „- ვინ მიიღო ეგ რაღაც კონვენცია?“ - აუხსენი ახლა ამას ყველაფერი თავიდან, - შეწუხდა ბუსო, - კარგი, ბატონო, ახლა მისმინე ყურადღებით და დაგვიმტკიცე, რომ ინდაურები არავის ჩამორჩებით გონებრივი მონაცემებით. დაგიღეჭავ, მეტი რა ვქნა? ხომ გიყვარს გადაღეჭილი ულუფები? მოკლედ, ასე: ერთ შორეულ სახელმწიფოში, სადაც, სხვათა შორის, ინდაურები დიდ პატივისცემაში ჰყავთ (შურთხია




ბავშვის უფლებათა კონვენცია: მუხლი 6

1. მონაწილე სახელმწიფოები აღიარებენ, რომ ყოველ ბავშვს აქვს სიცოცხლის ხელშეუხებელი უფლება.

გაიფხორა, გაბერა ჩიჩახვი და ამაყად მიმოიხედა ირგვლივ) ... შენ რომ გულისხმობ, ისეთ პატივისცემაში არა, ჩემო შურთხია, მაგრამ ახლა ხასიათს არ გაგიფუჭებ და ჩემს სათქმელს გავაგრძელებ. მოკლედ, ამ შორეულ და დიდ სახელმწიფოში, ოკეანის გადაღმა, არის ერთი დიდი ქალაქი...

- მე, მე ვიცი, რა ქალაქზეც ამბობ - ნიუ-იორკია! - წაიწრიპინა ამბროსის მეუღლემ, ლამზირამ.



ბავშვის უფლებათა კონვენცია: მუხლი 7

1. ბავშვი რეგისტრაციას გადის დაბადებისთანავე და მას დაბადებიდანვე გააჩნია უფლება, ჰქონდეს სახელი და შეიძინოს მოქალაქეობა, აგრეთვე, რამდენადაც ეს შესაძლებელია, უფლებამოსილია იცნობდეს თავის მშობლებს და გარემოსილი იყოს მათი მზრუნველობით.

- გეოგრაფიასაც გაუსინჯეთ კბილი, ქალბატონო ლამზირა? - გაეღიმა ბუსოს.

- არა, მამიდაჩემია ნამყოფი.

- ვიზით?

- მაშაყირებ, ბუსო ბატონო? ტრიუმით.

- აბა, მაგარი შთაბეჭდილებებით ჩამოვიდოდა. ნულარ მაწყვეტინებთ სიტყვას, თორემ დავიბენი უკვე. ჰო, იმას ვამბობდი. ამ ნიუ-იორკში ერთი დიდი შენობაა. ამ დიდ



თუთიყუში პაკო

შენობაში კი განთავსებულია „გაერო“ - ანუ „გაერთიანებული ერების ორგანიზაცია“. ვერ გაიგებენ ბავშვები ამას? ყველა სახელმწიფოს ჰყავს თავ-თავისი წარმომადგენელი ამ ორგანიზაციაში და, რაც კი საერთო და საჭირბოროტო საკითხებია მსოფლიოში, იქ იკრიბებიან და ერთად მსჯელობენ ამ საკითხების მოსაგვარებლად.

- ჩვენსავით ყოფილან, - დააყოლა კუ ზიგლინდამ.

- ჰო, დაახლოებით, მაგრამ ამით არ მთავრდება ყველაფერი. ამ „გაეროს“ კიდევ აქვს თავისი განაყოფი ორგანიზაციები, ზოგი რას მეურვეობს და ზოგიც - რას. აი, ერთ-ერთი ასეთი ორგანიზაცია, რომელიც მსოფლიოს ბავშვებს მეურვეობს, არის - „იუნისეფი“. ინგლისურ წიგნებამდე ვეღარ მიაღწიე, ლამზირა? თორემ გვითარგმნიდი - „United Nations Children’s Fund“ ანუ - „გაერთიანებული ერების ბავშვთა ფონდი“. სხვათა შორის, ამ „იუნისეფის“ მუშაობაში ბავშვებიც მონაწილეობენ.


- დღეიდან უკვე ბუსუნსულებიც ვმონაწილეობთ, - ტაში შე-მოჰკრა შიშპან-ზუკომ, - გამოფენას ხომ მომიწყობთ ნიუ-იორკში?

- ოღონდ შენ ხატვა განაგრძე და გამოფენა ჩვენზე იყოს, - დაამშვიდა ბუსომ, - ისევ შემაწყვეტინეს აზრი. რას ვამბობდი? ჰო, ეს „იუნისეფი“ ბავშვების ინტერესებს იცავს უკვე ნახევარ საუკუნეზე მეტია. ჰოდა, მაგათ აიღეს და ჩამოწერეს, თითოეულმა სახელმწიფომ, მთავრობამ თუ მოქალაქემ რა უნდა გააკეთოს (ან რა

არ უნდა გააკეთოს) იმისათვის, რომ ბავშვები საღად და წესიერად აღიზარდონ.

- კარგი ბავშვებისგან ცუდი ძიები რომ არ გამოვიდნენ არა?

- ჭიჭიკო, ნუ მაწყევტინებ. ეს ყველაფერი რომ ჩამოთვალეს, ჩამოამწკრივეს, ცალ-ცალკე საკითხებად ანუ მუხლებად დაყვეს და დაარქვეს „ბავშვის უფლებათა კონვენცია“. სიტყვა „კონვენცია“ ახლა როგორღა აგიხსნათ? ვთქვათ: „შეთანხმება ბავშვთა უფლებების დაცვის თაობაზე“. ჰოდა, ამ პატივცემულ „გაეროში“ (აქ მე რომ



სახელმწიფო ვალდებულია დაიცოს ბავშვის ინდივიდუალობა, ხოლო აუცილებელია უმჯობესებში უზრუნველყოს ბავშვის ინდივიდუალობის ძირითადი ასპექტების აღწერა. სახელს, მოქალაქეობასა და ოჯახური ვადამრეზს ჩავვლით.

ბავშვის უფლებათა კონვენცია: მუხლი 8

1. მონაწილე სახელმწიფოები ვალდებულია იღებენ პატივი სცენ ბავშვის უფლებას, შეინარჩუნოს თავისი ინდივიდუალობა, მოქალაქეობის, სახელისა და ოჯახური კავშირების ჩათვლით, როგორც ეს გათვალისწინებულია კანონით და არ დაუშვან ამაში კანონსაწინააღმდეგო ჩარევა.

ვღარაჯობდი კი არა, იქ-„დიდ“ „გაეროში“,
ნიუ-იორკში) შეიკრიბნენ ყველა ქვეყ-
ნის წარმომადგენლები, წაიკითხეს ეს
„ბავშვის უფლებათა კონვენცია“, მერე
კენჭისყრა ჩაატარეს და ხელის აწევით
დაადასტურეს, რომ ყველაფერი, რაც
აქ არის ნათქვამი, ამიერიდან ყველა
სახელმწიფოსათვის სახელმძღვანელოდ
უნდა იქცეს ბავშვების უფლებათა დაცვისათვისო. გასაგებია?



კატა აგნესა


ბუსუსულეებმა თავის კნატუნით გამოხატეს თანხმობა -
„ყველაფერი გასაგებიაო“.

ბუსო კრების წამყვანის ეშში შევიდა - შეკითხვები თუ არისო?
სამმა ყვავმა - მაკო-თაკო-ლელაკომ ერთდროულად დაიჩხავლეს
(ეტყობა, მოლაპარაკებულნი იყვნენ ერთმანეთში) - ჩვენნი არი
ასოციაციები თუ არის სხვაგანო? ბუსომ საქმიანი კილოთი,
„გაეროში“ მუშაობისას გაგონილი სიტყვების მოშველიებით, უპასუხა:
ჩვენი ასოციაციის ხელმძღვანელობას არ გააჩნია ინფორმაცია იმის
შესახებ, რომ მსგავსი ორგანიზაცია არსებობდეს რომელიმე ქვე-
ყანაში. შემდგომში შესაძლოა მოგვბაძონ, - ასე რომ, ჯერჯერობით,
ძირითადად ყველაფერს მაინც უფროსები აკეთებენ, ოღონდ „ცუდი
ძიები“ კი არა, - კარგი ძიები (და კარგი დეიდებიც, ცხადია).

- რას აკეთებენ მაინც, რას? - თავი გამოყო კუ ზიგლინდამ.

ბუსოს შესაძლებლობა მიეცა თავისი „ფართო განსწავლულობა“
გამოველინებინა და მარჯვედ გამოიყენა ეს საშუალება: - ახლა მე
აგინხნით ბავშვთა უფლებების დაცვის მთელ მექანიზმს, - დაიწყო
მან ზეაწეული კილოთი.

- ცოტა ნაკლებ რიხიანად რომ ილაპარაკო და უფრო გასაგებად,
უკეთესი იქნება, თორემ ჩვენ თვითონ თუ ვერ გავიგეთ, ბავშვებს
რადას აუხსნით, ბუსო ბატონო, - მოკრძალებით შენიშნა ყარყატმა
წიწოლამ.




შავშვიის უფლებათა კონვენცია: მუხლი 9

1. მონანილე სახელმწიფოები უზრუნველყოფენ, რომ შავშვი არ დაშორდეს თავის მშობლებს მათი სურვილის საწინააღმდეგოდ, იმ შემთხვევათა გამოკლებით, როცა კომპეტენტური ორგანოები, სასამართლო გადაწყვეტილების თანახმად, სათანადო კანონისა და პროცედურის შესაბამისად განსაზღვრავენ, რომ ასეთი დაშორება აუცილებელია და უკეთ ემსახურება შავშვიის ინტერესებს. ეს შეიძლება აუცილებელი გახდეს ამა თუ იმ კონკრეტულ შემთხვევაში, მაგალითად, როცა მშობლები სასტიკად ექცევიან შავშვის და არ უზრუნველნი მასზე, ან როცა მშობლები ცხოვრობენ ცალ-ცალკე და აუცილებელია შავშვიის საცხოვრებელი ადგილის თაობაზე განდევნილების მიღება.

- რაა აქ გაუგებარი?! კი, ბატონო, მინიმუმამდე დავიყვან უცხოურ ტერ- მინთა ხმარებას.

- აჰ, არა, ამას არ ეშველება არაფერი, - ჩაილაპარაკა ზიგლინდამ, - რა ძალლი დალუბა უცხოელების მიბაძვამ...



ვირი ლენხო

ბუსომ ვერ გაიგონა (ან განზრახ არ გაიგონა) ეს სიტყვები და მონდომებით დაუწყო ახსნა გარშემო მყოფთ, რა მოიმოქმედეს „კარგმა ძიებმა“ ბავშვთა დასაცავად: ჯერ ერთი, მაგათ აიღეს და, ადრე რომ ვახსენე, ის „ბავშვის უფლებათა კონვენცია“ დაგზავნეს ყველა სახელმწიფოში. ამდენი ბუსუნსულა რომ დარბის, დაფრინავს, დაბობლავს და დაცურავს გარშემო - ჩვენ ხომ იმათი წარმომადგენლები ვართ?! (ბუსუნსულეებმა კვლავ უხმოდ გამოხატეს თანხმობა თავის კანტურით). ჰოდა, ქვეყნების უმრავლესობას ამგვარი საბჭოები ჰყავს არჩეული - ზოგან პარლამენტი ჰქვია, ზოგან რა, და ზოგან - რა... ჩვენნაირი საყვარელი არსებანი არა მგონია, იქ ისინდნენ, მაგრამ რაღაცას ხომ აკეთებენ?! ჰოდა, ერთ-ერთი კარგი საქმე, რომელიც მაგათ გააკეთეს, თან - მსოფლიოს თითქმის ყველა სახელმწიფოში, ის იყო, რომ თავ-თავიანთი ქვეყნებისათვის სავალდებულო გახადეს ეს „ბავშვის უფლებათა კონვენცია“. თუ რომელიმე ქვეყანაში ესა თუ ის კანონი კიდევ უფრო უკეთ იცავს ბავშვს, ვიდრე „კონვენციის“ სათანადო მუხლი, კი, ბატონო, იმ კანონს ენიჭება უპირატესობა; თუ ამ სახელმწიფოს უნდა, რამე დაუმატოს „კონვენციას“ - ამის უფლებაც აქვს. კიდევ ამ სახელმწიფოებმა შექმნეს „ბავშვის უფლებების კომიტეტი“, რომელიც შედგება ათი, მართლა ძალიან კეთილი, კარგი და ჰკვიანი ძიისაგან (შეიძლება დეიდაც იყოს). ათივე თვალს ადევნებს, როგორ იცავენ ბავშვის უფლებებს ამა თუ იმ ქვეყანაში.

- აუჰ, დავიღალეთ, რა, - ამოიგმინა თუთიყუშმა პაკომ, - მოხსენებით გამოდიხარ, ბუსო ბატონო, „გაეროს“ სესიაზე, თუ როგორაა შენი საქმე?!



ბავშვის უფლებათა კონვენცია: მუხლი 10

2. ბავშვს, რომლის მშობლებიც სხვადასხვა სახელმწიფოში ცხოვრობენ, უფლება გააჩნია, განსაკუთრებული ვითარების გარდა, რეგულარული პირადი ურთიერთობები და პირდაპირი კონტაქტები ჰქონდეს ორივე მშობელთან. ამ მიზნით მონაწილე სახელმწიფოები, მე-9 მუხლის 1-ლი პუნქტის შესაბამისად, პატივს სცემენ ბავშვისა და მისი მშობლების უფლებას დატოვონ ნებისმიერი ქვეყანა, საკუთარი ქვეყნის ჩათვლით, და დაბრუნდნენ თავის ქვეყანაში. ნებისმიერი ქვეყნის დატოვების უფლების მიმართ მოქმედებს მხოლოდ ისეთი შეზღუდვები, რომლებიც დადგენილია კანონით და აუცილებელია სახელმწიფო უშიშროების, საზოგადოებრივი წესრიგის (ordre public), მოსახლეობის ჯანმრთელობის ან ზნეობის, ან სხვა პირთა უფლებებისა და თავისუფლების დაცვისათვის და შეთავსებადია ნინამდებარე კონვენციაში აღიარებულ სხვა უფლებებთან.

- ეს დამცინავი ტონი, ჩემო პაკო, შტერი ცისფერი თუთიყუშები რომ გყავთ სამეგობროში, იმათთან გამოგადგება. თავიდანვე ხომ გითხარით, სერიოზულ საქმეზე გიძახით-მეთქი?! გაიზრდებიან ასე უპატრონოდ ქუჩის ბიჭები და ნახავ, ერთ დღეს რომ დაგიჭერენ და გაგპუტავენ; მერე იტრაბახე - „ჩემი ცისარტყელისფერი სამოსი...“ რატომ აღარ მპასუხობ, - რა, ენა ჩაყლაპე?!... აკვარკვალე ახლა ეგ შენი ღიდრონი თვალები და იყავი...

- არა რა, ბუსო, მართლა არ გვინდა ეგ ზოგადი რაღაცები, შენ ის გვითხარი, ბავშვებს თავიანთი უფლებები როგორ გავაგებინოთ, - მხარი დაუჭირა პაკოს შიმპან-ზუკომ.

- კარგი, ბატონო, კარგი, - ჩამოგითვლით ყველაფერს, - დაყაბულ-და ბუსო, მაგრამ კბილი მაინც გაჭკრა შიმპანზეს: - ზოოპარკში რომ იყავით, ეს პაკო ყოველდღე გაშაყირებდა, და ახლა, ყოჩაღ შენ, რომ მაინც ესარჩლებიო.


- კი, მაგრამ, ბუსო, შენ არ ამბობდი, ნამდვილმა ბუსუნსულამ გულში წყენა არ უნდა ჩაიტოვოს და ღვარძლიანი არ უნდა იყოსო?!

- ვამბობდი, ვამბობდი, - ჩქარ-ჩქარა ჩაილაპარაკა ბუსომ, - ისე, მაინც დიდი ტუტუცი თუთიყუში კი არის და...

- კარგი, განგავრძოთ, - კვლავინდებური სერიოზულობით მიმართა ბუსომ მსმენელებს, - ერთი ისეთი საინტერესო მუხლია, „დისკრიმინაცია“ გავიგიათ?

ბუსუნსულებმა პირები დააფჩინეს. „დისკრიმინაცია“ რა იყო, ნამდვილად არ იცოდნენ, მაგრამ აღიარებაც არ უნდოდათ.


- ჰოდა, მე აგახსნით, რა არის „დისკრიმინაცია“. აი, შენ, ავეუსტინა! ვთქვათ, წაგიყვანეს ძაღლების გამოფენაზე და ვინმემ ჩაგიარა: „ოოო, რა მშვენიერი ტაქსაა!“ - იტყვის; მერე ფოქსტერიერს მიეფერება; მერე - დოგს. მერე უცებ დაინახავს



კუ ზიგლინდა

ქუჩის ძაღლს და - „ამას აქ რა უნდაო?!“ - წაარტყამს ფეხს. აი, ეს არის დისკრიმინაცია - რაიმე გარეგნული ნიშნით ერთს კარგად რომ ეპყრობიან და მეორეს - ცუდად. ამ გახსენებაზე, ავეუსტინა, შენც ხომ არ გჩვევია - კარგად ჩაცმულს რომ გაატარებ და ცუდად ჩაცმულს - შეუყეფ?! - არა, ბუსო ბატონო, როგორ გეკადრება?! ჩემს ცხოვრებაში ჩაცმა-დახურვით არავინ დამიფასებია. თუ უხუთიგნია ვინმეს, მაშინ კი გამიკრავს კბილი. „აი, ნამდვილი ბუსუსულა,“ - მოუწონა ბუსომ. ავეუსტინა გაიბადრა და გრძელი ყურები მხრებზე შემოიგდო მოსასხამივით.


- ახლა, როცა უკვე ვიცით, რა არის „დისკრიმინაცია“, - განაგრძობ ბუსომ, - ხომ აფუხსნით ბავშვებს, რომ არავის არა



ბავშვის უფლებათა კონვენცია: მუხლი 11

1. მონაწილე სახელმწიფოები ლებულობენ ზომებს ბავშვთა უკანონოდ გადაადგილების ან საზღვარგარეთ მათი უკანონოდ დატოვების წინააღმდეგ საბრძოლველად.

ბავშვს ყფოქმა აქვს თვისუფლო
 ვამოიქვს თვისი ამხი რა
 მხელსულქანი ნუქსპუჩ
 სვიახზე, რომელიც მის ეხმა.
 ამასან, ამ მხელსულქმს
 ანუარში სუნა ვაქნილ
 ჭავშვის მელთან რავმარქული
 ნუქსპუჩი სვიახის ვარანვეცისს.




ბავშვის უფლებათა კონვენცია: მუხლი 12

1. მონაწილე სახელმწიფოები უზრუნველყოფენ საკუთარი შეხედულებების ჩამოყალიბების უნარის მქონე ბავშვის უფლებას, თავისუფლად გამოთქვას თავისი შეხედულებები ნებისმიერ საკითხზე, რომელიც მას ეხება, ამასთან, ბავშვის შეხედულებებს სათანადო ყურადღება ეთმობა მისი ასაკისა და სიმწიფის შესაბამისად.

აქვს უფლება მათი დახარისხებისა რაიმე ნიშნით - კანის ფერი იქნება ეს, ჩაცმა-დახურვა, ენა, რჯული, შეძლება, - რამდენი რამის მიხედვით ასხვავებენ ადამიანები ერთმანეთს... - ბუსოს, ცოტა არ იყოს, თვალები დაუნაღვლიანდა, - ისე ჩვენც არ ვიქცევით ზოგჯერ მაინცდამაინც მოსაწონად... მე ასე ვიზამდი, - განაგრძო ბუსომ, - იმ „კონვენციაში“ ნათქვამი რომაა, - „ბავშვის მიმართ ნებისმიერი ქმედების განხორციელებისას სრულიად უნდა იქნეს გათვალისწინებული ბავშვის ინტერესებიო“, - იქვე დავუმატებდი, რომ ყველა ოჯახში, სადაც ბავშვი ჰყავთ, უნდა ჰყავდეთ აგრეთვე ერთი წესიერი, ჭკვიანი და დამჯერი ძაღლი, რომელიც ბავშვს კარგ მაგალითსაც მისცემს, კიდევ მოუვლის და კიდევ უღარაჯებს.

- კატებმა რა დავაშავეთ?! ახლა არ ამბობდი, დისკრიმინაცია დაუშვებელიაო, - აღელდა აგნესა.

ბუსო, ცოტა არ იყოს, დაიბნა, მაგრამ მალევე მიხვდა, - ჯობდა აგნესა დაემოშმინებინა.



ბავშვის უფლებათა კონვენცია: მუხლი 13

1. ბავშვს უფლება აქვს თავისუფლად გამოთქვას თავისი აზრი; ეს უფლება მოიცავს თავისუფლებას, საზღვრების არსებობის მიუხედავად მოიძიოს, მიიღოს ან გადასცეს ნებისმიერი სახის ინფორმაცია ან იდეა ზეპირი, წერილობითი თუ ბეჭდური ფორმით, ბავშვის არჩევანისამებრ.

- კატებიც, ცხადია, ჩემო აგნესა. კატა და ძაღლი რამ გაყო? ხომ იცი, როგორაა - „ვამბობთ ძაღლს, - ვგულისხმობთ - კატას“ და პირიქით!

დაეჭვებულმა აგნესამ ახედა ბუსოს, მაგრამ კამათში აღარ შეჰყვა. სამაგიეროდ, ბუსომ ახალი ენერგიით განაგრძო თავისი „მოხსენება“: მე რომ „გაეროში“ ვმოღვაწეობდი (ამ სიტყვებს ბუსუსულეების ერთობლივი ამოხვრა მოჰყვა), სულ პირზე ეკერათ: - „სახელმწიფო ყველა შესაძლო ზომას მიიღებს ბავშვის უფლებების განხორციელებისთვის“. - კი, მარა, ოჯახი არა აქვთ ამ შენს ბავშვებს? - ჩაეკითხა ბუსოს იხვი ჭიჭიკო.

- რაო, ჭიჭიკო, ოჯახურ სუფრაზე მოხვედრა ხომ არ მოგენატრა, - იხუმრა ლენჩომ. წამით უხერხული სიჩუმე ჩამოვარდა. ეტყობა, ვირი ისეთ თემას შეეხო, რომლის ხსენებაც ბუსუსულეების დაუწერელი კანონის თანახმად, აკრძალული იყო. ლენჩომ ენაზე იკბინა, ჩაჩუმდა და კვლავ ყურები ჩამოყარა.

უხერხული მდგომარეობა ისევ ბუსომ განმუხტა: - ჰო, სწორედ ოჯახებზე მინდა ახლა ვითხრათ. ბავშვი ოჯახში რომ უნდა გაიზარდოს, თქვენც იცით და მეც; იმ ოჯახს თავისი ადათი და წესი რომა აქვს, იმასაც უნდა პატივისცემა. ყველა უწევს ამას ანგარიშს, იმ შენი სახელმწიფოს ჩათვლით. ოღონდ ახლა, თუ ოჯახში ისეთი უკუღმართი წესია, რომ ბავშვის ჯანმრთელობას აგნებს ან სულიერად დააზიანებს, მაშინ ჩვენი ამბავი ჩვენ ვიცით და, სახელმწიფო თუ სახელმწიფოა, კი უნდა უპატრონოს ასეთ ბავშვს. მშობელი იმისია, რომ გაზარდოს ბავშვი და მოუაროს. აბა თუ აწამებს და აშიმშილებს - რაის მშობელია?!


ძაღლი ვარ და, სამი წლის წინ ვინმეს ფეხი რომ წამოურტყამს უსამართლოდ, ის მახსოვს და საწყალ ბავშვს თავში რომ უბრახუნებ, ვინდ მიზეზით და ვინდ უმიზეზოდ, - ძან არგებს?!



მაიმუნი შიმპან-ზუკო

- შენნაირ ნაგავს ვინ უბედავდა ფეხის წამორტყმას, ბუსო ბატონო?! - წაელაქუცა ბუსოს ავგუსტინა.

- დაბმული ვიყავი და თან ალიკაპი მეკეთა, თორემ ვანახვებდი,




ბავშვის უფლებათა კონვენცია: მუხლი 14

1. მონაწილე სახელმწიფოები პატივს სცემენ ბავშვის აზრის, სინდისის და რელიგიური რწმენის თავისუფლებას.
2. მონაწილე სახელმწიფოები პატივს სცემენ მშობელთა და, შესაბამის შემთხვევაში, კანონიერ მეურვეთა უფლებებსა და მოვალეობებს, უხელმძღვანელონ ბავშვს მისი უფლებების იმ მეთოდით განხორციელებაში, რომელიც შეესატყვისება ბავშვის განვითარებად უნარებს.

როგორ უნდა ფეხის წამორტყმა, -
თვითკმაყოფილმა ჩაილაპარაკა ბუსომ.

- შეიძლება არც არაფერი დაგარ-
ტყან თავში და ისე მოგაყენონ წყენა,
- ჩაერია ლაპარაკში ირემი ინგიშტერი.
მეტიჩარა მეტყევემ ინგიშტერი
რომ დამარქვა, - „ჩემს საყვარელ
თანაკურსელს ერქვაო,“ - რა, ძაან პატივი
მცა?! მყვირალობისას რომ დავჭრილვარ, ის რა ხანია შემიხორცდა,
აღარც მახსოვს, ეს სახელი კი შემრჩა...



ყვავები
თაკო-მაკო-ლელაკო

- კაი რა, ინგიშტერ, შენ ხმა არა გაქვს ამოსაღები, - ასლუკუნდა
ვირი, - შენ ნახე, მე როგორ მომმართავენ - „ვიროოო!“, „ლენჩოოო!“
- კარგი, ვირი ვარ, ლენჩი რატომა ვარ?!

- დაგარქვეს და...

- ჰოდა, არავის უნდა ჰქონდეს უფლება, ვინმე სხვას, გინდაც
შენი შვილი იყოს, შეურაცხყოფელი სახელი დაარქვას. ჩემხელა
ტვირთს რომ მიუტან სახლში, მაშინ კი დაითაფლებიან, ნუ გეშინია:
„- ოო, რა მშრომელი ვირუტკელაა, რა სევდიანი თვალები აქვს...“
- რატომ უნდა მქონდეს მხიარული თვალები, მართლა ვირივით
თუ მამუშავებენ მთელი ღღე და სახრესაც უმიზეზოდ გადამკრავენ
ხოლმე?!

- თქვენ ბავშვების დასაცავად შეიყარეთ აქ, თუ გულის
მოსაოხებლად, - გაიკვირვა ყარყატმა წიწოლამ, - რა ამბავია ამდენი
ვაი და ვიში?! თქვენი შემხედვარე, მალე შურთხიაც აიფხორება. რა
მოხდა ისეთი?! მურთხია ხომ არ დაურქმევიათ?!

- რომ დაერქმიათ? რითია მურთხია ლენჩოზე და ინგიშტერზე
უკეთესი?! - ჩაერია ტურა. მე შენ გეტყვი „იუნისეფის“ კონვენციას
აუფრიალებდა ცხვირწინ და იმწამს გადაარქმევდნენ...

- მოგრიხეთ ახლა ამ სახელებზე კამათს, - როგორც იქნა,


გამოფხიზლდა ბუსო, - ისე, კიდევ კარგი, კომმარინა მარტო შენ გქვია, ტურავ ჩემო. ახლა თუ დაარქმევს ვინმე შენი ხათრით ახალდაბადებულს ამ იშვიათ სახელს, არ ვიცი...

- ვერ დაარქმევს, შენ თვითონ არა თქვი, „კონვენცია“ უკრძალავსო.
- ჰოდა, მით უკეთესი, გვეყოლება ერთადერთი კომმარინა, ერთადერთი და განუმეორებელი... - დაამშვიდა პაკომ.

- დაცინვას ტურა არ მოუკლავს, გაგიგია ასეთი ანდაზა?
- კი, რაღაც მსგავსი გამიგია...
- ტურა, ტურა, ხომ ვიცხოვრებთ ძმურად?! - წამოიწყო იხვმა ჭიჭიკომ.

- აუჰ, ეს ეხლა ისევ ლექსად გაიკრიფა და დავიღუპეთ, - ამოიოხრა ზიგლინდამ, - რატომაა ასე გაჩუმებული ჭკვიანი გოჭი სოკრათი? რა ეტყობა ამ იხვს პოეტური ნიჭის?

პატარა, ვარდისფერი, ჭკვიანი გოჭი სოკრათი ხმას მაინც არ იღებდა და ყურადღებით უსმენდა ყურს უფროსების ლაპარაკს.



ბავშვის უფლებათა კონვენცია: მუხლი 15


1. მონაწილე სახელმწიფოები აღიარებენ ბავშვის უფლებას, სარგებლობდეს ასოციაციებისა და მშვიდობიანი შეკრებების თავისუფლებით.

ჭიჭიკო პოეზიის ეშში შევიდა:

იცი, შენზე ბუსუკა,
რას ამბობენ ზურგს უკან?

ბუსომ ორი თეთრი ღოჯი გამოაჩინა: „სულაც არ მაინტერესებს, რას ამბობენ ჩემზე ზურგს უკან“. თუთიყუშმა წინდახედულად გადაინაცვლა მალლა ტოტზე და იქიდან წამოიყრანტალა: „მე კი ვიცი, - „ღვარწიაჟააო“, უჯიშოაო, მარტო მამა ჰყავდა ნაგაზიო“.

- გაჩვენებ მე შენ „ღვარწიაჟას“, პაკო, თუ მოგწვდი მაგ ტოტზე!




ბავშვის უფლებათა კონვენცია: მუხლი 16

1. არც ერთი ბავშვი არ შეიძლება იყოს პირადი და ოჯახური ცხოვრების, საცხოვრებელი ბინის ხელშეუხებლობის ან კორესპონდენციის საიდუმლოების უფლებათა მის მიერ განხორციელებაში თვითნებური ან უკანონო ჩარევის, ან მისი ღირსებისა და რეპუტაციის უკანონო ხელყოფის ობიექტი.
2. ბავშვს უფლება აქვს, კანონით იყოს დაცული მსგავსი ჩარევის ან ხელყოფისაგან.

- აკი ყველა თანასწორია და დისკრიმინაცია არ არსებობსო?! - არ ისვენებდა პაკო.

ბუსო ისევ დაიბნა, მაგრამ გამოსავალი მალევე ნახა: „დვარნიაჟკა“ ნიშნავს „უჭიშოს“, ხომ? ახლა, მე თუ ვიტყვი, რომ ჯიშის ვარ, ამით რა, რომელიმე „დვარნიაჟკას“ ვჩაგრავე? უმიზეზოდ რომ ვეძგერო საჩხუბრად, მაშინ გამკიცხე, რამდენიც გინდა, მაგრამ ახლა რას ვაკეთებ ისეთს, ბუსუსულლებს რომ არ ეკადრებათ?“

თუთიყუმიც აღარ ჩაეძია ბუსოს წარმომავლობის რკვევას და ბუსუსულლებში კვლავ მშვიდობისმოყვარე განწყობილებამ დაისადღურა.



ბავშვის უფლებათა კონვენცია: მუხლი 18

1. მონაწილე სახელმწიფოები ყველაფერს აკეთებენ, რათა უზრუნველყონ ბავშვის აღზრდასა და განვითარებაზე ორივე მშობლის საერთო და თანაბარი პასუხისმგებლობის პრინციპის აღიარება. მშობლებს ან შესაბამის შემთხვევებში კანონიერ მეურვეებს ეკისრებათ ძირითადი პასუხისმგებლობა ბავშვის აღზრდასა და განვითარებაზე, ბავშვის ყველაზე ჭეშმარიტი ინტერესები წარმოადგენს მათი ზრუნვის მთავარ საგანს.

ის-ის იყო, ბუსო „კონვენციის“
მორიგი მუხლის განმარტებას აპი-
რებდა, ჭიჭიკო კვლავ ლექსად
გაიკრიფა:


იმდენს იზამ, ბუსო,
შეგვიღონებ გულსო...



ჯილდა

სხვებიც აყაყანდნენ - შესვენება
გამოვაცხადოთო. ბუსოც დაიყოლიეს და ახლა ავგუსტინას მიადგნენ
- შენ რომ იცი ისტორიები ძაღლებზე, ის მოგვიყვიო. ავგუსტა ერთი
პირობა კი გაიპრანჭა, - აღარ მახსოვსო, მაგრამ ვეღარ გაუძალიანდა
ბუსუსუსულების საერთო თხოვნას და ბოლოს დათანხმდა, კარგი,
ერთ ამბავს მოგიყვებით და მეტი აღარ მთხოვოთო: „ჩვენს ეზოში
ერთი შეძლებული ოჯახი ცხოვრობდა - დედა, მამა, ვაჟიშვილი
ლექსო და ძაღლი - „ბალონკა“, სახელად ჯილდა. ამ ჯილდას გამო
ჩაიხარმა მთელი ამბავი. ბედი არ გინდა?! ლექსო კლასში ერთ გოგოს
ემეგობრება: მოსწონს, ჩუქნის რაღაც-რაღაცებს - რად გინდა?! -
შენთან როგორ ვიმეგობრებ, ჩემი სახელი ჰქვია შენს ძაღლს და ვერ
გადავირქმევიაო! - გაიგიჟა იმან თავი. მოდის ეს ლექსო სახლში
ნერგებაშლილი, ხან მატყილდას ეძახის ამ ძაღლს, ხან - გრიზელდას.
შენც არ მომიკვდე, ის ყურს არ იბერტყავს. დაუძახებს - „ჯილდაო!“
და ისიც იმ წამსვე დაუსკუპდება ცხვირწინ, ეშმაკურად იყურება იმ
თავისი „ჩოლკის“ ქვემოდან და ენას უყოფს. მოკლედ, ამ ლექსომ,
არც აცივა, არც აცხელა და ერთ მშვენიერ დღეს შეაჭრა ის ნაქები
„ჩოლკა“ ჩვენს ჯილდას. თუ გგონიათ, იმან ხმა ამოიღო. ერთი დიდი
მაგიდა ჰქონდათ სახლში, ფოჩებიანი სუფრით გადაფარებული.
ჰოდა, შეძვრა ჯილდა ამ მაგიდის ქვეშ და არც გამოსულა იქიდან
სამი თვის განმავლობაში, სანამ ის თავისი „ჩოლკა“ არ წამოეზარდა.
სტუმრებს ხომ საერთოდ არ დანახვებია. რა გინდა ახლა ქნა -
პრანჭია ქალია!


პრანჭია იქით იყოს, ახლა არ გაინტერესებთ, სამაგიერო რით გადაუხადა ამ თავის ლექსოს? არ ვიცი, თავში ვითხარით თუ არა, სახლში ამათთან ლაპლაპებს ყველაფერი: სკამი, დგამი, თაღი, ჭალი... ჭიჭიკომ გააგრძელა - „ქმარი, ცოლი, პარკეტი - ბინა-სუპერმარკეტი!“ - დამამთავრებინე, ჭიჭიკო, მოყოლა და მერე, თუ გინდა, პოემები წაგვიკითხე, - შევედრა ავგუსტა. - ისე, სხვათა შორის, „პარკეტი“ ზუსტად ახსენე. მართლაც პრიალებდა და ოჯახის ყველა



ბავშვის უფლებათა კონვენცია: მუხლი 19

1. მონაწილე სახელმწიფოები ყველა აუცილებელ საკანონმდებლო, ადმინისტრაციულ, სოციალურ და საგანმანათლებლო ზომას ღებულობენ იმ მიზნით, რათა ბავშვი დაიცვან მშობლების, კანონიერი მეურვეების ან ბავშვზე მზრუნველი ნებისმიერი სხვა პირის მხრიდან ყველანაირი ფორმის ფიზიკური თუ ფსიქოლოგიური ძალადობისაგან, შეურაცხყოფისა თუ ბოროტად გამოყენებისაგან, მზრუნველობის მოკლებისა თუ დაუდევარი მოპყრობისაგან, უხეში მოქცევისა თუ ექსპლუატაციისაგან, სექსუალური ბოროტების ჩათვლით.

წევრს თავ-თავისი ქეჩის ფლოსტები ჰქონდა. გადადგამდნენ თუ არა ნაბიჯს ზღურბლს აქეთ, წაყოფდნენ ფეხს თავიანთ ფლოსტებში. ჰოდა, ამ ჩვენმა შურისმაძიებელმა ჯილდამ, - მასე არ უნდაო, - ასეთი გეგმა შეიმუშავა: გადამალავს ლექსოს ფლოსტებს და, სკოლიდან რომ მოდის ბავშვი ტალახიანი ფეხსაცმლით, დააბოტებს გაპრიალებულ ბინაში აქეთ-იქით თავისი ფლოსტების ძებნაში. მოდიან შინ მშობლები, ნახავენ დასვრილ იატაკს და გატყევენ ბავშვს. ვინ დაუჯერებს ახლა, რომ ძაღლმა გადაუშალა ფლოსტები. ჰოდა, მეორდება ეს უბედურება ყოველ წვიმიან დღეს...



იხვი ჭიჭიკო

- „კონვენცია“ რომ კრძალავს ბავშვის ცემას? - ჩაერია ზიგლინდა.

- კი, ჩემო ზიგლინდა, მაგრამ ან ეს კონვენცია არ წაუკითხავთ ლექსოს მშობლებს, ან შეუგნებლები იყვნენ, მოკლედ, კი ტყიპავდნენ და...

- რითი დამთავრდა ეს ამბავი? - დაინტერესდა ბუსო.

- რითი და ბოლოს და ბოლოს ჩაავლეს ამ საზიზღარ ძაღლს და ახლა ის გატყიპეს.


- ძაღლის გატყევა არაა რაიმე კონვენციით აკრძალული? - პირველად მთელი ამ ხნის განმავლობაში ამოიღო ხმა ჭკვიანმა გოჭმა სოკრატმა.

- დაგვცინი, ჩემო სოკრატ, ხომ? - მწარედ ჩაეღიმა ბუსოს, - განვაგრძო ახლა ჩვენი „კონვენციის“ კითხვა, თუ კიდევ რამე ზღაპრების მოსმენა გსურთ?

- რიჩის გეფიცვები, თუ ერთი სიტყვა მაინც მომეგონოს მთელ ამ ისტორიაში, - გაცხარდა ავგუსტინა.

- პედაგოგიურადაა გაუმართლებელი. აბა, რა მაგალითს აძლევს ეგ შენი ისტორია ან ბავშვს, ან ძაღლს?! - თქვა ბუსომ.

- რა მაგალითს აძლევს, არ ვიცი, მაგრამ ასე იყო და რა ვქნა?!




სახელმწიფო ვალდებულია ენსაყარებული
დაიქვას ბავშვი, რომელიც მოკლებულია
ოჯახის გარეშს და რეუქმონს ეს
შობილური გარეშს ყოფილი აცეხნაყელი
გარეშს ან შთაივსოს უესებამის
დახესესლოებამი.

ბავშვის უფლებათა კონვენცია: მუხლი 20

1. ბავშვს, რომელიც დროებით ან მუდმივად მოკლებულია ოჯახურ გარემოს, ანდა, მისივე ყველაზე ჭეშმარიტი ინტერესებიდან გამომდინარე, არ შეიძლება დარჩეს ასეთ გარემოში, უფლება აქვს სახელმწიფოს, განსაკუთრებული მფარველობითა და დახმარებით სარგებლობდეს.

- მე თუ მკითხავ, ძალიანაც ჭკუის სასწავლებელი ამბავი იყო, - წამოყო თავი იხვმა ჭიჭიკომ, - ახლა ავეუსტას ველარაფერს ვათქმევინებთ და ისევ ბუსო მოგვიყვეს, რა წერია მაგის ნაქებ „კონვენციაში“.



ტაქსა ავეუსტინა

ბუსოს თავპატიჟი არ გაუდგია, ეშმაკურად იკითხა: „დავბრუნდეთ კურკაძეების ოჯახშიო?“ ბუსუნსულემა ერთხმად შესძახეს: „დავბრუნდეთ, დავბრუნდეთო!“.

- ცოტა-ცოტა ჭორობა ყველას გიყვართ, ვიცი, - წაიხუმრა ბუსომ და დაუმატა, - მე რაც კურკაძეებთან იმ ორი ბლარტის დაცოლქმრებისას სიმწარე ვნახე, გახსენებაც კი არ მინდა, მაგრამ რა? დამალავ და, სხვა უარესს გააკეთებს, ასე, წვეთ-წვეთად, ეგებ შევაგნებინოთ რამე ამ ბავშვებს, და, ჩვენში რომ ვთქვათ, დიდებსაც...

- მოყევი რა, ბუსო, რა ამბავი დატრიალდა კურკაძეებთან, - არ ეშვებოდნენ ნაგაზს ცნობისმოყვარე ბუსუნსულეები, - ცოდვის კითხვაა: დედა გიჟს ჰგავს, მამა ისედაც ურევს და ახლა, მოგეცა ლხენა - კი აქვს მიზეზი... მოკლედ - საგიჟეთია: „ეს რა გვიყო, ლაფში ამოგვსვარა, ჩვენი სახელი, ოჯახის დირსება, კურკაძეების გვარი...“ მე ხომ პირდაპირ პირველ დამნაშავედ გამომაცხადეს: „შენ რომ ნამდვილი ნაგაზი ყოფილიყავი, ის ცხვირმოუხოცელი აქ ფეხს ვერ შემოდგამდაო“ და ა.შ. არ ამომიღია ხმა, რას დაუმტკიცებ ახლა მაგათ... იმ გაპარულეებზე არც კი ფიქრობენ - სად არიან, რა ელით, რას მოიმოქმედებენ?... მეზობლები რას იტყვიან, ის აწუხებთ...

როგორც გული მიგრძნობდა, ისე მოხდა ყველაფერი: ცხრა თვის თავზე - ბავშვი, ბატკანივით გოგო; წლინახევრის თავზე - მღურვა და დაცილება; ორი წლის თავზე - კურკაძე-ტურკაძეთა სამოქალაქო ომი! დაიწყო, მაგრამ რა დაიწყო: ბავშვი ჰყავთ ამათ დედასთან, ცხადია, კურკაძეებთან. ტურკაძეებს არ ანახვებენ. მაგ „ქუჩის ბიჭს“



ბავშვის უფლებათა კონვენცია: მუხლი 21

მონაწილე სახელმწიფოები, რომლებიც აღიარებენ ან თანხმდებიან შვილად აყვანის სისტემის არსებობას, უზრუნველყოფენ, რომ ბავშვის ყველაზე ჭეშმარიტი ინტერესები გათვალისწინებული იქნეს უწინარეს ყოვლისა, და ისინი:

ა) უზრუნველყოფენ, რომ ბავშვის შვილად აყვანის ნებართვას იძლეოდეს მხოლოდ კომპეტენტური ხელისუფლება, რომელიც სათანადო კანონებისა და პროცედურების შესაბამისად და საქმესთან დაკავშირებული სარწმუნო ინფორმაციის საფუძველზე განსაზღვრავს, რომ შვილად აყვანა დასაშვებია მშობლებთან, ნათესავებთან და კანონიერ მეურვეებთან მიმართებაში ბავშვის სტატუსის გათვალისწინებით და რომ, თუ ეს საჭიროა, დაინტერესებული პირები შეგნებულად დათანხმდნენ შვილად აყვანას ისეთი კონსულტაციის საფუძველზე, როგორც შეიძლება აუცილებელი იყოს...

ცული ზეგავლენა ექნებაო. მოიპარავენ ისინი შვილიშვილს საბავშვო ბაღიდან - დაადგება თავზე ეს ჩემი პატრონი პოლიციის თანხლებით, წამოიყვანენ ბავშვს უკანვე. არის ერთი წეწვა და გლეჯა. ამ ბავშვის გულში რა ხდება, არავის აინტერესებს. შემდგომ ამბებს, უკვე „გაეროში“ რომ ვმუშაობდი, ყურმოკვრით ვიგებდი ჩვენი ეზოს ძაღლებისგან: მოაწყვეს ეგ შენი სიძე-ტურკაძე მშობლებმა უცხოეთის რომელიღაც კოლეჯში. ის იქიდან აგიჟებს ამ თავის ცოცხოვრის, ფოტოებს უგზავნის - აი, ჩემი აგარაკი, აი ჩემი მანქანა, აი, ჩემი მეგობრებიო... მოკლედ, ხომ დაისაჯეო!... ქალი რის ქალია?! - ჩავალ და, მტრის ჯინაზე, შევტურიგდებიო! მშობლები არ უშვებენ - თან უკვე უფლებაც არა აქვთ, - ამასობაში სრულწლოვანი გახდა... მოკლედ, ამ ჩვენმა სალომემ, დაჰკრა ფეხი და გავარდა უცხოეთში. შეატოვა ბავშვი მშობლებს. „აღარც გაბედო უკან ჩამოსვლაო!“ - შეუთვალეს. „უფროსი“ ბავშვები ცოტა ხნით, ეტყობა, მართლაც შერიგდნენ. რას აკეთებენ ამ უცხოეთში, არავინ იცის. რამდენიმე წელი იქიდან ჩამიჩუმი არ ისმოდა... შარშან ჩამოდის ეს ჩვენი, ახლა უკვე სხვაზე გათხოვილი სალომე. თურმე მალულად პატარის გაყვანა უნდა საზღვარგარეთ. ამ ბავშვს რა უნდა, ისევ არავინ ეკითხება. ბებია და ბაბუა ეუბნებიან - ჩვენ ვართ შენი მშობლებიო. ეს სალომე ჩუმ-ჩუმად გადანახულ ფოტოებს ანახებს: „მე ვარ დედაშენიო, მამა ბუამ შეჭამაო“... ამ საწყალმა პატარამ წერა ისწავლა თუ არა, თურმე რაღაც დღიურებს წერს თავისთვის, ჰგონია, არავინ წაიკითხავს. შენც არ მომიკვდე, ყველაფერს ბაბუა და ბებია უსინჯავენ: რამე წერილი ხომ არ მიიღო, დღიურში რა უწერია, ჯიბეში რა უდევს... აგნესა, შენს პატრონებთან ერთად სერიალებს რომ უყურებ ტელევიზორით, ამისთანას ვერ



ყარყატი წიწვლა

ნახავ: ამას წინათ ტურკაძეებს გამოუხმიათ სკოლიდან ბავშვი, მოუხათლავთ და სახელი გადაურქმევიათ. თან თურმე ყველას ეუბნებიან: „უკვე დაემჩნა კურკაძეების ცუდი ზეგავლენა და დროზე უნდა ვუმველოთ“. სკოლაში არ უშვებენ, ხატვის წრე ჰქონიათ ბავშვებს, - არც იქ; ამ ბავშვის კანონიერი მეურვეები ჩვენ ვართო, - და არ იკარებენ არავის. ძალად მეურვეობა არ გამიგია მე.



სახელმწიფომ ენსჯა ირმული მფარველია
 და მზრუნველია უწო ვაჟნოს ლფიღვლ
 და ლფიღვლას სტაფუსის მღუბს
 მოსყრუ ჰავშვებს.

ბავშვის უფლებათა კონვენცია: მუხლი 22

1. მონაწილე სახელმწიფოები აუცილებელ ზომებს იღებენ, რათა უზრუნველყონ, რომ ბავშვმა, რომელსაც სურს მიიღოს ლტოლვილის სტატუსი ან რომელიც შესატყვისი საერთაშორისო ან საშინაო სამართლისა და პროცედურების ძალით ითვლება ლტოლვილად და რომელსაც თან ახლავს ან არ ახლავს მშობლები ან ნებისმიერი სხვა პირი, ისარგებლოს სათანადო დაცვითა და ჰუმანიტარული დახმარებით წინამდებარე კონვენციაში და ადამიანის უფლებებისადმი მიძღვნილ იმ სხვა საერთაშორისო ან ჰუმანიტარულ დოკუმენტებში აღიარებული უფლებების გამოყენებისას, რომელთა მონაწილენი არიან აღნიშნული სახელმწიფოები.

- მე მგონი, ჩვენს სასამართლოში იყო მაგ საქმე განსახილველად, - წაიწრიპინა თავგმა ამბაკომ. - ისე კი, არ მახსოვს, რით დამთავრდა. ბოლო გვერდი ჩემამდე დაუღრღნია ვილაცას.

- მიანდე ახლა ამათ სასამართლო არქივი, - ჩაილაპარაკა ყარყატმა წიწოლამ, - ამ ქალღმერთს მაინც რა გაჭმევს, ამბაკო, არ გადამრიო, ამდენი ჭიალუაა გარშემო, ბაყაყი, ხოჭო...



ირემი ინგიშტერი

- სხვათა შორის, ამბაკო წიგნების მოყვარულია, - გამოესარჩლა მეუღლეს ლამზირა, - ჩვენხელა ბიბლიოთეკა არავის აქვს ბუსუსუსულეთში. ეს თქვენი პატივცემული აგნესა სერიალებს რომ უყურებდა, ჩვენ ტომეულებს ვკითხულობდით.


- ერთი ბუსუსუსულებში არ ირიცხებოდეთ, მე კი ვიცი, რას ვიზამდი სერიალების ყურების მაგივრად, - ჩაილაპარაკა აგნესამ და ტუჩებზე მოისო ვარდისფერი ენა...

- არავითარი კონფლიქტები, - ჩაერია ბუსო, - თქვენდა მაკლინართ, ვერ ხედავთ, რა საგოყეთია გარშემო. ჩვენ იქით უნდა მივცეთ სხვებს მეგობრული თანაცხოვრების მაგალითი.

ლამზირა თავისას არ იშლიდა: „რა არის ცუდი სერიალების ყურებაში, გონებრივი მონაცემები თუ არა გაქვს წიგნების საკითხავად, უყურე ამ სერიალებს და იყავი...“

- მე შენ გაჩვენებ გონებრივ მონაცემებსო! - გამოსცრა გაცეცხლებულმა აგნესამ და დააცხრა ცოლ-ქმარს. ატყდა ერთი ვაი და ვიში. ვინ ვის აშველებდა და ვინ ვის ეჩხუბებოდა, ვერ გაიგებდი. ყველაზე უფრო საცოდავად ჭკვიანი გოჭი სოკრათი ჭკვიტინებდა. ის-ის იყო, ბუსომ ქეჩოშიჩავლებული აგნესა გამოათრია საერთო ზედახორიდან, რომ ჭკვიტინი შეწყდა და გოჭმა ფეხები გაფშოკა.

- ვაიმეე! - ისტერიულად წამოიკივლა შურთხიამ. ყვავების ტრიომაც არ დააყოვნა და თაკო-მაკო-ლელაკოს ჩხავილმა ერთიანად გააყრუა იქაურობა. იხვი ჭიჭიკო მიუახლოვდა ფეხებგაფშეკილ გოჭს, მზერა ცას მიაპყრო და მორიგი „შედევრი“ წარმოთქვა:



ინალორ ქაშვს უფლუმა აქვს
სარგბლობრეს განსაყირაშული
მზანველობი, მოლის
განსაყირაშული უნაილუმა რა
მომზაყმა, რაი რქოლის
სოყლდესიონარ რა ლისსულო
ქხოვრემა ისე აჩიოჭეში,
ჩიომოუბაყ სზრანველოვს
მის მაქსიბოლურ დამოყარებლომის
რა სოყიოლურ ინფერაყაას.

ბავშვის უფლებათა კონვენცია: მუხლი 23

1. მონაწილე სახელმწიფოები აღიარებენ, რომ გონებრივად ან ფიზიკურად უნარშეზღუდული ბავშვი სრულფასოვნად და ღირსეულად უნდა ცხოვრობდეს იმგვარ პირობებში, რომლებიც უძლიერებს მას ღირსების გრძნობას, საკუთარი თავის რწმენას და უადვილებს საზოგადოების ცხოვრებაში აქტიურ მონაწილეობას.


ო, რა უდროოდ დაიღუპა გოჭი სოკრათი,
- პირი ქებული და ნამდვილი არისტოკრატი.

ბუსომ, რომელიც ამ ხნის განმავლობაში გაუხმრეველ გოჭს აკვირდებოდა, გახარებულმა წამოიძახა, - ცოცხალია, ცოცხალი, ეტყობა, გული წაუვიდა შიშისაგან, გაკაწრულია ცოტათი. აგნესამ თუ მოსდო კლანჭი შემთხვევითო. ყარყატმა წიწოლამ სიმღერა წამოიწყო: „ცოცხალი ვარ, ცოცხალი...“, მაგრამ არავინ აჰყვა და მალევე ჩაჩუმდა. ამასობაში გოჭმა თვალები დაჭყიტა და, დაჭყიტა თუ არა, გულისწამლები ჭყვიტინი მორთო: „ - ვაიმე დედააა, ვაიმეეე... ვინ გამჩხაპნააა, ჩემი ვარდისფერი კანიიი...“ ბუსუნსულები გაოგნებულეები უყურებდნენ ჭკვიანი გოჭი სოკრათის ასეთ ფერისცვალებას. „ეტყობა, არ უნდა გავგეკაწრა“, - ჩაილაპარაკა სიტყვაძუნწმა ირემმა ინგიშტერმა, რომელიც თავს ადგა სასოწარკვეთილ გოჭს. გოჭი სულ მთლად გაგიჟდა: „რქები მომაშორე, რქებიი! ბუსომ ამილოკოს ჭრილობაა! ინფექცია არ შემივიდეს, დებილი ირემი არ დამანახოთ, კატა ამორიცხეთ ბუსუნსულების რიგებიდაან...“

კარგა ხანს მოუხდნენ ბუსუნსულები ჭკვიანი გოჭის დამშვიდებას... განსაკუთრებულ გულმოდგინებას უმიზეზოდ გალანძღული ინგიშტერი იჩენდა: „ჯერ პატარაა, ცოდვააო...“ დარცხვენილი აგნესა მოშორებით იდგა და აბურძხნულ ბეწვს ივარცხნიდა. სხვებიც ნელ-ნელა დაშოშმინდნენ.

ჭიჭიკომ დრო იხელთა და ისევ ბუსუნსულების შუაგულში ჩადგა - ყურადღების ცენტრში თუ არ იყო, ვერ ითმენდა: „კიდევ ერთი ლექსი მაქვს მაგის თაობაზეო, - წამოიწყო - „არ მომკვდარა, მხოლოდ სძინავს...“. აქ კი უკვე ავგუსტინას უმტყუნა ნერვებმა - „შენ ვის აშაყირებო?!“ - ბუსო ბატონო, სხვის ლექსებს თავისად ასაღებს, მართლა ლენჩები ვგონივართო, - თუხთუხებდა ავგუსტა, - ნაკითხი თავგები და პოეზიის შემფასებელი გოჭი რატომ დუმანო?! ბუსომ - „ხდება ხოლმეო!...“


თავების აცახცახებული წყვილი კი ერთმანეთს მიჰკვროდა და ელდანაცემებს, სიკვდილსგადარჩენილებს, საერთოდ არ ესმოდათ, რა ხდებოდა გარშემო. ჰკვიანი გოჭი სოკრატეც მხოლოდ იმ თავის განაჩხაპნს მისჩერებოდა და ბუსოს, რომელიც ერთგულად ულოკავდა „იარას“, წამდაუწუმ ეკითხებოდა - „ენა სტერილური ხომ გაქვსო? ინფექცია ხომ არ შემეფა ჰკრილობაშიო, „მრამი“ ხომ არ დამემჩნევაო?“ ბუსო ამშვიდებდა: „ვაჟაი ნაიარევი სჯობიაო!“, მაგრამ



ბავშვის უფლებათა კონვენცია: მუხლი 24

1. მონაწილე სახელმწიფოები აღიარებენ ბავშვის უფლებას, ისარგებლოს ჯანმრთელობის დაცვის სისტემის ყველაზე უფრო სრულყოფილი მომსახურებით და დაავადებათა მკურნალობისა და ჯანმრთელობის აღდგენის საუკეთესო საშუალებებით. მონაწილე სახელმწიფოები ცდილობენ უზრუნველყონ, რომ არც ერთ ბავშვს არ ჩამოერთვას უფლება, ისარგებლოს ჯანმრთელობის დაცვის სისტემის ასეთი მომსახურებით.

ეტყობოდა, რომ ეს ფოლკლორული შეგონებანი დიდს ვერაფერს შველიდნენ სასოწარკვეთილ გოჭს.



ჭკვიანი გოჭი სოკრატი

სალ-სალამათი, მჭყივანა გოჭის შემყურე ბუსუნსულების თავყრილობა, გაბუტული კატის, თავგების დაზაფრული წყვილისა და გულჩვილი ირმის გარდა, ერთობ გამხიარულდა: „ჭკვიანი გოჭი სოკრატი არც ისე ჭკვიანი ყოფილაო“ - ხითხითებდნენ ჩუმ-ჩუმად. ბოლოს, როცა ჭკვიანი გოჭი სოკრატიც მეტ-ნაკლებად დამშვიდდა და ბუსუნსულებში „სამოქალაქო ომის“ განახლების საშიშროებამაც ჩაიარა, ბუსომ კვლავ შეახსენა მეგობრებს მათი თავშეყრის მიზანი.

ყარყატი წიწოლა ბუსოს ჩაეკითხა: - ბუსო, ამ გახსენებაზე, ბურკაძეების ისტორიას რომ მოგვიყვე, შენი მოგონილია თუ მართალიაო? ბუსო ლამის გადაირია, - „ამას როგორ მკადრებო?! - ეგ ამბავი ჩვენს უბანში ყველა ძაღლმა და მამაძაღლმა იცისო. ბუსუნსულებში საერთოდ არ მოდის ტყუილის თქმა და მარტო თაკო-მაკო-ლელაკო კადრულობენ ამას ხანდახანო“. ნეტა არ ეთქვა!

ისეთი ჩხავილი ატყდა, გეგონებოდათ, ქვეყანა დაიქცაო. ამ დროს - რა? სულ სამი ყვავი ჩხაოდა. ოღონდ, ადრე თუ შეხმატკბილებულები იყვნენ, ახლა ცალ-ცალკე ჩხაოდნენ. ცალკეული სიტყვების გარჩევა ასე თუ ისე შეიძლებოდა: „პროვოკაცია“, „დისკრიმინაცია“, „დისკრედიტაცია“ და „რეპუტაცია“. იხვი ჭიჭიკო პირდაფჩენილი შეჰყურებდა ყვავების ტრიოს და თავისთვის იმეორებდა: „ვა, რა განათლებული ყვავები ყოფილანო“. მერე გულმა ისევ პოეზიისაკენ გაუწია და ახალი ექსპრომტით გამოეხმაურა ამ პატარა გაუგებრობას:


რა არის ეს, ბუსო?!

ყვავებს უკლავ გულსო.

ბუსო მიხვდა, რომ ყვავებთან უტაქტოდ მოიქცა და შეცდომის

გამოსასწორებლად პატარა ეშმაკობას მიმართა: „რა შუაში არიან თაკო-მაკო-ლელაკო. მაგათი სახელები შემთხვევით წამომცდა, სინამდვილეში კაჭკაჭ ინგას ვგულისხმობდიო“. გულში გაიფიქრა, „ამ ინგას რომ შევხვდები, მერე მოვიგონებ რამეს თავის გასამართლებელსო“. ყვავთა ტრიომ უმაღლესი შეწყვეტა ჩხავილი და, ვითომ არც არაფერი მომხდარაო, გვერდიგვერდმიკრული გაშეშდა ტოტზე.


ბუსომ მომენტით ისარგებლა და საზოგადოებას მიმართა: „რაიმე კითხვები ხომ არ გექნებათო?“ ამჯერად ყველაზე აქტიური შურთხია



ბავშვის უფლებათა კონვენცია: მუხლი 26

1. მონაწილე სახელმწიფოები აღიარებენ ყოველი ბავშვის უფლებას, ისარგებლოს სოციალური უზრუნველყოფის ყველა სიკეთით, სოციალური დაზღვევის ჩათვლით, და აუცილებელ ზომებს იღებენ ამ უფლების სრული განხორციელებისათვის თავიანთი ეროვნული კანონმდებლობის შესაბამისად.

აღმოჩნდა. ისევ ბურკაძეების ისტორიას უტრიალებდა: „ვთქვათ და საერთოდ არ ჰყოლოდა ამ ბავშვს მეურვეები, მაშინ რა მოხდებოდაო?“. ბუსომ დალაგებით აუხსნა, რომ



თაგვები - ამბაკო და ლამზირა

ასეთ შემთხვევაში ბავშვის მზრუნველობას სახელმწიფო კისრულობს ან, შესაძლოა, ვინმემ იშვილოს კიდევცო. შურთხიამ ვიწვიში ატეხა: „რატომ არ გაუხმა ფეხი იმ სალომეს, უცხოეთში რომ წაეთრია და ეს ანგელოზივით ბავშვი დატოვაო...“. ბუსო ამომშინებდა: „კარგი, ახლა, შურთხია, ნუ გადაირიე, უარესიც ხდებოა“. შურთხია მთლად გაგიჟდა: „უარესი რაღა უნდა მოხდესო?!“. - რაო და, - ახლად დაბადებული ბავშვიც მიუგდია დედას და არასრულფასოვანზედაც უთქვია უარო, - ამოიოხრა ბუსომ, - მე რომ „კონვენციაზე“ გიყვებით, მაგასაც ითვალისწინებს, რომ, უპატრონო თუა ბავშვი, ან ლტოლვილი, ან რაიმე ხინჯის გამო განსაკუთრებულ მოვლა-პატრონობას საჭიროებს და ამ დროს ახლობლები არ ჩანან, მზრუნველობა სახელმწიფომ უნდა იტვირთოსო.


- მერე და, მართლა უვლის, ბუსო, სახელმწიფო ასეთ ბავშვებს? - ათრთოლებული ხმით ჩაეკითხა ბუსოს ირემი ინგიშტერი. ბუსომაც, ნირწამხდარმა, რაღაც ჩაწყვეტილი ხმით უპასუხა: „სახელმწიფოს გააჩნია, ჩემო ინგიშტერ. აწყობილი, მდიდარი და ნორმალური სახელმწიფო უპატრონო ბავშვსაც ნორმალურ პირობებში აცხოვრებს, თუმიცაღა დედ-მამის მაგივრობას მაინც ვერ გაუწევს; წელშიგაუშმართავ და ღარიბ სახელმწიფოში კი, მოგეხსენება, დიდიც დამშეულია და ბავშვიც“.

- ისე, მაინც, თუნდაც ღარიბი სახელმწიფო იყოს, რაღაც ვალდებულებას რომ აიღებს თავის თავზე, უკვე კარგიაო, - დაასკვნა თაგვმა ამბაკომ.

- შენ უკეთ მოგეხსენებო, - ამოიხვნეშა ბუსომ. - ერთი კია, ამ

ბავშვებს რომ მიუგდებენ, ზოგი სახელმწიფოს და ზოგიც - უცნობ ოჯახს, უკანასკნელი ძალი ვიყო, თუ ჩემიანებში ასეთი რამე გამეგოსო...


- მერე ამ უპატრონო ბავშვებიდან რამდენი გზასაცდენილი გამოვაო, - ისევ დაიწყო ვიშვიში შუროთხიამ. ზიგლინდა, როგორც გამოცდილი პირი, შეეპასუხა: „მარტო უპატრონობით რომ იყვნენ ბავშვები გზასაცდენილნი, მაგას კიდევ ეშველებოდა რამე. აი, ვისაც პატრონი ჰყავს, უმსგავსობას სჩადის, ის პატრონი კი მუდამ ხელს აფარებს, - ეს კიდევ უფრო საშიშიაო“.



ბავშვის უფლებათა კონვენცია: მუხლი 27

1. მონაწილე სახელმწიფოები ცნობენ ყოველი ბავშვის უფლებას, უზრუნველყოფილი იყოს ცხოვრების ისეთი დონით, რომელიც აუცილებელია მისი ფიზიკური, გონებრივი, სულიერი, ზნეობრივი და სოციალური განვითარებისათვის.
2. მშობელს (მშობლებს) ან ბავშვის სხვა აღმზრდელს ეკისრებათ ძირითადი პასუხისმგებლობა, თავისი უნარისა და ფინანსური შესაძლებლობების ფარგლებში უზრუნველყონ ბავშვის განვითარებისათვის საჭირო ცხოვრების პირობები.

- მაგ ვახსენებაზე, ბუსო, ბავშვმა რაღაც თუ დააშავა სერიოზული, როგორ ისწავიო, - დაინტერესდა შიმპან-ზუკო. ბუსომ, - ეგ ჩემზე უკეთ ამბაკოს ეცოდინებაო.



კაჭკაჭი ინგა

ამბაკომ ორი პატარა, გიმრისმაგვარი თვალი გააპარა აგნესასაკენ, - ახლოს ხომ არ ზისო, - და უღვაშების ცმაცუნით, მარცვალ-მარცვალ, ამოღერდა ყველაფერი, რაც კი იცოდა ამ საკითხის გარშემო: „ბავშვს, რომელმაც კანონი დაარღვია, - დაიწყო მან წრიპინა ხმით, - უფლება აქვს მოექცნენ იმგვარად, რომ ხელი შეეწყოს მისი ღირსების გრძობის გაძლიერებას, გათვალისწინებული იქნეს ბავშვის ასაკი და მის მიმართ განხორციელებული ნებისმიერი ქმედება მიმართული იყოს საზოგადოებაში მისი ინტეგრირებისაკენ. ბავშვს უფლება აქვს ისარგებლოს მთელი რიგი გარანტიებით, ასევე სამართლებრივი და სხვა სახის დახმარებით დაცვის დროს. არასრულწლოვანებთან მიმართებაში შეძლებისამებრ თავიდან უნდა იქნეს აცილებული სასამართლო განხილვა და თავისუფლების აღმკვეთ ღონისძიებათა განხორციელება“.

ბუსომ თვალეხი ჭყიტა, - საიდან ამოიკითხე ეს ყველაფერიო? ახლა ამბაკოს ჯერი მიდგა განცვიფრებულიყო: - „არ გადამრიო, ბუსო, შენ თვითონ არ მათხოვე ის შენი „კონვენცია“, იურისტი თავგი ხარ, წაიკითხე, შეისწავლე, მაგრამ, გაფიცებ, კბილი არ შეახო!..“


ბუსოს, ცოტა არ იყოს, შერცხვა თავისი გულმავიწყობისა. თან ისიც იფიქრა - ამგვარ გულმავიწყობას ამბაკო უთუოდ უპატივეცემულობაში ჩამომართმევსო და ხაზგასმული მოწიწებით გადაუხადა მადლობა ისედაც ტრავმირებულ „იურისტს“.

ჭიჭიკომ, თითქოს ბუსოს გულში იჯდაო, წამსვე საქებარი ოდა უძღვნა იურისპრუდენციაში გაწაფულ თავგს:

ასეთი პიროვნებებით ბუსუსსულეთი ამაცობს,

ტან-მცირევე, გულით დევგმირო, ვეფხვო და ლომო ამბაკო!

ამბაკომ შეიფერა ეს ქება-დიდება და იქვე ჩაცუცქულ ლამზირას ამაყად გადახედა - აი, რამხელა პიროვნების ცოლი ხარო! პაკომ ჩუმად, თავისთვის, ჭიჭიკოს სახოტბო ლექსის დასასრულს მიუროთმა: „ტვინი წაიღო ამან ხომ...“, მაგრამ ხმამაღლა კი სულ



ბავშვის უფლებათა კონვენცია: მუხლი 28

1. მონაწილე სახელმწიფოები აღიარებენ, რომ ბავშვს აქვს განათლების უფლება და თანაბარი შესაძლებლობების საფუძველზე ამ უფლების თანდათანობით განხორციელების მიზნით ისინი, კერძოდ:

- ა) აწესებენ უფასო და სავალდებულო დანყებით განათლებას;
- ბ) ხელს უწყობენ როგორც ზოგადი, ისე პროფესიული საშუალო განათლების სხვადასხვა ფორმების განვითარებას, უზრუნველყოფენ ყველა ბავშვისათვის მათ ხელმისაწვდომობას და ლეზულობენ ისეთ აუცილებელ ზომებს, როგორიცაა უფასო განათლების შემოღება და აუცილებლობის შემთხვევაში ფინანსური დახმარების განწევა.

სხვა ტექსტი წარმოთქვა: „ასეთ მშვენიერ ლექსებს რომ წერს ჩვენი ჭიჭიკო, ვუშუამდგომლოთ ახლა ყველამ და, ბუსუნსულეთის წამყვანი პოეტების სია რომ აქვს შედგენილი ჭკვიან გოჭ სოკრატის („სოკრატის“ კი არა, „სოკრატს“, - გაუსწორა ბუსომ), გადაანაცვლოს მეხუთე ადგილიდან პირველზეო“.

ჭიჭიკო გაიბადრა, სოკრატი კი დიპლომატიურად ხმას არ იღებდა და ბუსოს სეფე-სიტყვას ელოდა. ბუსომ, ცოტა არ იყოს, იმედი გაუცრუვა: „სოკრატ, არ გამაგიჟო, მართლა ნომრავ პოეტებს, თუ გიგონებენო?“

- მართლა ნომრავს, ბუსო ბატონო, - აყაყანდა შურთხია, - შენ წესიერად არ მესაღმებო, - და მეხუთედან მეცამეტე ადგილზე გადამიყვანა!

- კარგი, შურთხია, რა მოხდა ასეთი, - დააწყნარა ბუსომ ინდაური, - მაგასთან სახლში გოჭებს რომ ნომრავდნენ, ის ახსოვს და ... საერთოში ხომ არაა ცუდი გოჭი?..

- „საერთოში“ რაა და „გაეროში“, არ ვიცი, მაგრამ ჩვენ კი მოგვსპო ამ თავისი ქულების წერით და... - არ ცხრებოდა შურთხია.

- გადამრევს ეს ინდაური, - გაცხარდა ბუსო, - შენც ნუ უყურებ მაგის ქულებს და წერე ის შენი ლექსები. აგერ, ხომ ხედავ, ჭიჭიკო საათში ხუთ ლექსს წერს.

- ჭიჭიკო სწორედ მაგის გატუტუცებულია, - ჩაერია კატა აგნესა, - „ბუსუნსულეთის ამომავალი მზეო!..“ - უჭყიპინებს ყურში და აქეზებს, - „ერთი პოემა შენზეაო!“

- რა გინდა, ნეკროლოგი ხომ დაუწერა, - წაიხუმრა პაკომ.

ჭკვიან გოჭ სოკრატს ფერფური მისდიოდა - ხან წითლდებოდა, ხან ფითრდებოდა და მთლად თეთრი იყო, ხან ისევ ვარდისფერი ხდებოდა.


- კარგი ახლა გოჭი, დაიბრუნე ვარდისფერი პერიოდი და დამშვიდდი, - დაუყვავა ბუსომ. გოჭმა გამომცდელად ახედა, ხომ არ მამაყირებსო? მაგრამ ბუსოს მიამიტმა გამოხედვამ დაამშვიდა.

ჭიჭიკო საერთოდ არ ჩარეულა ამ დისკუსიაში, - თითქოს მას არც ეხებოდა არაფერი. ბოლოს, წინ წარდგა და წარმოთქვა:

პოეზიის ნარ-ეკლიან გზაზე
ლადი ფრთები შურით შეგვიბოჭეს...
წავალთ! აწი ვერც იხვს ნახავთ ასეთს
და ვერც ლექსის დამფასებელ გოჭებს!

- ეჰე, ამათ ხუმრობა ისევ ბუტილობაში გადაჰყავთო, - გაიფიქრა ბუსომ და სცადა მათი თავშეყრის მიზეზს მიბრუნებოდა: „ბავშვების დაცვა ნუ დაგვაფიწყდებო!“.


საერთო სჯა-ბაასის განახლება არც ისე იოლი აღმოჩნდა.



ბავშვის უფლებათა კონვენცია: მუხლი 30

იმ სახელმწიფოებში, სადაც არსებობენ ეთნიკური, რელიგიური ან ენობრივი უმცირესობები ან პირები, რომლებიც მკვიდრ მოსახლეობას მიეკუთვნებიან, ბავშვს, რომელიც ასეთ უმცირესობას ან მკვიდრ მოსახლეობას მიეკუთვნება, არ შეიძლება უარი ეთქვას უფლებაზე, რომ თავისი ჯგუფის სხვა წევრებთან ერთად ეზიაროს საკუთარ კულტურას, აღიაროს თავისი რელიგია და შეასრულოს მისი წეს-ჩვეულებები, აგრეთვე გამოიყენოს მშობლიური ენა.

ჭკვიანი გოჭი სოკრათი კუთხეში მიმჯღარიყო, თავის ნაკაწრს ჩასცქეროდა და ხმას არ იღებდა; გაფხორილი ინდაური შურთხია ნერვიულად იწიწკნიდა ფრთებს და რაღაც გაუგებარ, უმისამართო საყვედურებს ბუტბუტებდა; ჭიჭიკო აფორიაქებული დააბოტებდა აქეთ-იქით; თავგების წყვილიც ფიქრებით სადღაც შორს იყო წასული...



გაცეცხლებული აგნესა და შეშინებული თავგები

ბუსომ ნაცადი ხერხი იხმარა: „კურკაძეების სიძე რატომ დაიჭირეს უცხოეთში არ გაინტერესებთო?“ ცნობისმოყვარე ბუსუნსულეებმა ყურები ცქვიტეს.

- გინდ დაიჯერეთ, გინდ არა, - სტიუარდესამ სიგარეტი ჩააქრობინა თვითმფრინავის სალონში და, რომ მიბრუნდა, - ამან უჩქმიტა. სად უჩქმიტა, ნუღარ დავაზუსტებთ.

- დიდი ამბავი, ის სტიუარდესა ვითომ ზედ ბუზს არ ისვამს?! - გამოცოცხლდა შურთხია.

დიდი ამბავია თუ პატარა, იმათ უთხარი. აეროპორტში პოლიცია კი დახვდა და „ვირის აბანოში“ უკრეს თავი შენს სიძე-ბატონს.

- ვის აბანოში? - ჩაეკითხა ლენჩო.


- არა, ლენჩო, შენ აქ არაფერ შუაში ხარ, - დაამშვიდა ბუსომ, - ძველი გამოთქმაა ასეთი - ციხეს ნიშნავს.

- ისე კი, ჩემო ძვირფასო, რაც უფრო აწყობილია ქვეყანა, მით უფრო დაცულია შენი ღირსება. აბა მიდი და აწამე ძალლი ყველას თვალწინ ისეთ ქვეყანაში, სადაც კანონი კანონობს, ნახავ, სადაც გიკრავენ თავს, განაცხადა ავგუსტინამ და ისედაც ნაღვლიანი სახე კიდევ უფრო დაუნაღვლიანდა.

- ჩვენთან ვინმე ღვთისსიერი თუ დაგიცავს, თორემ ვის სცხელა შენთვის, - წაიკნავლა აგნესამ, - მე რომ კუდით დაკიდებული კატები მყავს ნანახი...

- იმ კატების ჩამომკიდებელს მიეწია მაგათი ცოდვა, - იწვილა შურთხიამ.

- შურთხია! არ უშველის შენი წვილ-კივილი მაგ საქმეს,



ბავშვის უფლებათა კონვენცია: მუხლი 31

1. მონაწილე სახელმწიფოები აღიარებენ, რომ ბავშვს გააჩნია დასვენებისა და თავისუფალი დროის ქონის უფლება, მისი ასაკისათვის შესაფერის თამაშობებსა და გასართობ ღონისძიებებში მონაწილეობის უფლება, აგრეთვე უფლება, თავისუფლად მონაწილეობდეს კულტურულ ცხოვრებაში, ეზიაროს ხელოვნებას.

დამიჯერე, - მიუბრუნდა ანერვიულებულ ინდაურს შიმპან-ზუკო, - ხომ ხედავ, ერთი „კონვენცია“ ვერ ჩავიკითხეთ ბოლომდე, შენ კი გინდა, ქვეყანა ერთ ღღეში შეცვალო?!

- არ შემიძლია ამ ბოროტების ყურება, არ შემიძლია!...
- არ ცხრებოდა შურთხია. შიმპან-ზუკომ ახლა თავისი ზოოპარკისდროინდელი გამოცდილება მოიშველია: „არა შურთხია, მართლა ყველა ბოროტი კი არ არის. მოდიოდნენ, აინტერესებდათ, ბანანები მოჰქონდათ. ერთი-ორი თუ იკადრებდა რამეს უგვანს - ანთებულ სიგარეტს შემოაგდებდა, ვთქვათ...“

- სკოლაში რატომ არ ასწავლიან არაფრს, სკოლაში?! - სრულიად მოულოდნელად შეუერთდა შურთხიას ტურა კომპარინა.

ბუსომ, ცოტა არ იყოს, ნირწამხდარმა, ძველებური შემართების გარეშე, დაიწყო ახსნა-განმარტება: „სკოლა, ქალბატონო კომპარინა, სწორედ იმ ჩვენი „კონვენციის“ თანახმად, უფასო და სავალდებულო დაწყებით განათლებას იძლევა. ზოგ ქვეყანაში - საშუალო განათლებასაც, მაგრამ „სიკეთის სწავლება“ არსად, არც ერთ სკოლაში არაა შემოღებული. თავისთავად, ყველა საგანმა და ყველა მასწავლებელმა უნდა შთაუწერგოს ეს ბავშვს.“

- კაი, რა, ბუსო, ეს ყველაფერი ახლა შენ შენით მოიფიქრე თუ „კონვენციაში“ ამოიკითხე? - ეშმაკურად ჩაეკითხა ბუსოს ზიგლინდა. ბუსომ დაიმორცხვა, თავი ჩაღუნა და ისე ამოიბუტბუტა: „კონვენციაში წერიაო“.


- რაღას გვაწვალე, პირდაპირ წაგვიკითხე ის შენი „კონვენცია“ და უფრო ნათელი არ გახდება, რას და როგორ ვაპირებთო, - როგორც იქნა, თავისი სიტყვა შეაწია საერთო კრებას ყარყატმა წიწოლამ.

- თქვენი სიტყვა ჩემთვის კანონიაო, - ბუსომ, - მაგრამ ჩემი შენიშვნები მაინც უნდა გავაკეთოო.

ახლა ამბაკოც აწრიპინდა, - ის მუხლი წაუკითხე, ბუსო ბატონო, სადაც ნათქვამია, რომ სკოლაში ბავშვების ღირსება არ უნდა შეილახოსო. „სიამოვნებითო“, - ბუსომ და გამოთქმით დაიწყო:

„მონაწილე სახელმწიფოები ყველა აუცილებელ ზომას მიმართავენ, რათა უზრუნველყონ სასკოლო დისციპლინის დაცვა იმ მეთოდებით, რომლებიც ბავშვის ადამიანური ღირსების პატივისცემასა და წინამდებარე კონვენციას ეფუძნება“.

ამ სიტყვებზე ჭკვიანი გოჭი სოკრათი გამოცოცხლდა: „ჩვენ, ერთი



ბავშვის უფლებათა კონვენცია: მუხლი 32

1. მონაწილე სახელმწიფოები აღიარებენ ბავშვის უფლებას, დაცული იყოს ეკონომიკური ექსპლუატაციისა და ნებისმიერი ისეთი სამუშაოს შესრულებისაგან, რომელიც შეიძლება ემუქრებოდეს მის ჯანმრთელობას და ხელს უშლიდეს განათლების მიღებაში, ან ზიანს აყენებდეს მის ჯანმრთელობას, ფიზიკურ, გონებრივ, სულიერ, მორალურ და სოციალურ განვითარებას.

ასოციაციის წევრები, არ ვუფრთხილდებით ერთმანეთის ღირსებას და კლასში ოცდაათი ბავშვი რომ აჭყიბინდება, მასწავლებელმა რაღა ქნასო?“.

- ჭყიბინი, სოკრატის ჭირიმე, აქ რომ გავიგონე, ისეთი, არც ერთ სკოლაში არ გამიგონიაო, - შენიშნა კატა აგნესამ სრულიად უწყინარი კილოთი. ჭკვიანი გოჭი სოკრატი შეცბა და ისევ დადუმდა.

- კარგი, რა, აგნესა, - გაწყრა ბუსო, - ძლივს ალაპარაკდა გოჭი და მყისვე ჩააჩუმე, სინდისი არ გაქვსო?..


ახლა კამათი არ წამომიწყობ აქ ისევ, არ გადამრიოთო, - პაკომ, - ნულარ ვაწყვეტინებთ ბუსოს, მართლა საინტერესო რაღაცას გვიკითხავდა. ოღონდ, ბუსო, ერთ რამეს ვიტყვი, სანამ განაგრძობდე ამ შენი „კონვენციის“ კითხვას: შიმპან-ზუკო დამეთანხმება, ზოოპარკში თითო-ოროლა ბავშვი ანთებულ სიგარეტს რომ შემოგვიგდებდა, სულ ისე მგონია, ან მშობლებისაგან იყვნენ განაწამები, ან სკოლაში ამცირებდნენ, ან კიდევ რაღაც ისეთი მიზეზით იყვნენ დათრგუნულნი, რომ ჩვენზე იყრიდნენ ჯავრს...

- რა ვიცი, შეიძლება მასეც იყოსო, - ბუსომ. - ისე, მაგ სიგარეტის გახსენებაზე - „შეკეთებულსაც“ ხომ არ გაწოდებდნენო?!

- „შეკეთებული“ შენ საიდანღა იციო?! - ერთდროულად განცვიფრდნენ პაკო და შიმპან-ზუკო.

- როგორ არ ვიცი, ჩემი ალალი ბიძაშვილი, ჯონი სწორედ მაგ განხრით მუშაობს, მაგას რომ ნარკოტიკებისათვის მიუგნია... ორდენი ეკუთვნისო, - ბუსომ. - სხვათა შორის, იმ ჩვენს „კონვენციაში“ ისიც წერია, რომ ბავშვები ყველანაირად უნდა დავიცვათ ამ უბედურებისაგანო.


- რაც მე ეგ ნაგავი ურნაში მაქვს გადაყრილი, იმდენი წელი სიცოცხლე მეო! - წამოიჩხავლა ყვავმა ლელაკომ. ზოოპარკის



ინდაური შურთხია

მონარკომანო მსახველებისაგან მათ უარგონში გათვითცნობიერებულმა პაკომ: „სამასი „ჩეკი“ გადაუგდიაო!“ – ხუმრობა იქით იყოსო, – ბუსომ, – ისე კი, რომ დავფიქრდეთ, მარტო იმ ერთ ჩემს ბიძაშვილს რამდენი ადამიანი ჰყავს გადარჩენილიო.

– კი, მაგრამ, ის, ვისაც მაგ შენმა ჯონიმ ვერ უშველა და მაინც ყნოსავს ან ეწევა რალაც უბედურებას, ან, კიდევ უარესი, იჩხირავს,



ქაღვს უფლებს აქვს გააყურო იუს ნარკოტყულო სა ფსიქოფრიაკო ნივთიერებას აცხობო ვაშუენმსაგან, ასეუ აგუან ნივთიერებას ბანოუშსა სა გავრკელაშო მონხლოდმსგან.

ბავშვის უფლებათა კონვენცია: მუხლი 33

მონაწილე სახელმწიფოები ღებულობენ ყველა აუცილებელ ზომას, საკანონმდებლო, ადმინისტრაციული და სოციალური ზომების ჩათვლით, აგრეთვე ღონისძიებებს განათლების სფეროში, რათა დაიცვან ბავშვები შესაბამისი საერთაშორისო ხელშეკრულებებით განსაზღვრული ნარკოტიკული საშუალებებისა და ფსიქოტროპული ნივთიერებების უკანონო ხმარებისაგან და არ დაუშვან ბავშვების გამოყენება ამ ნივთიერებათა კანონსაწინააღმდეგო წარმოებაში ან ვაჭრობაში.

იმას რაღა ეშველებაო? - ჩაეკითხა ბუსოს გულკეთილი ირემი ინგიშტერი.

- რა გინდა, ინგიშტერ, გული გაგიხეთქო?! ავადმყოფი, ჩამომხმარი უფროსის ყურებაა ძნელი და, ბავშვი რომ ცელოფანის პარკს თავზე წამოიმხობს, რაღაც შხამიან წებოს ისუნთქავს და ყოველი შეხვედრისას ხედავ - ჩლუნგდება და თვალები აღარ უციმციმებს, - როგორი საყურებელია?!

- ვერაფერს შევლიან, ბუსო?!

- ერთს მშობელი უშველის, მეორეს - მეგობარი, მესამე თვითონ მიხვდება, რაც ელის და გონს მოეგება, მაგრამ ზოგი ისე ავადდება, რომ ძალიან ძნელი მოსარჩენია. მერე უკვე ისევ სახელმწიფომ უნდა იკისროს ამ ავადმყოფ ბავშვზე ზრუნვა... მარტო ასეთ ავადმყოფზე კი არა, წესით და კანონით - ყველა ავადმყოფ ბავშვს ან ისეთს, დაბადებიდან რაიმე ფიზიკური ნაკლი რომ აქვს და განსაკუთრებულ ზრუნვას საჭიროებს - გარდა მშობლებისა, სახელმწიფოც უნდა ჰპატრონობდეს.

- ჩვენ, ჩვენ რა შეგვიძლია? - კვლავ არ ეშვებოდა ბუსოს გულჩვილი ირემი.

- ინგიშტერ, „ზოოთერაპია“ გავიგია? ამ „კონვენციაში“ არ არის ნახსენები, მაგრამ „გაეროში“ რომ ვმუშაობდი, იქ ჰყვებოდნენ. იცი, ეს რა არის? როცა ცხოველი კურნავს ადამიანს. იმაზე აღარაფერს ვამბობ, რომელიმე ჩემს ნათესავ ძაღლს ბრმა რომ დაჰყავს ქუჩაში ან პატრონის ბიჭს გამოესარჩლება, ვინმე თუ ჩაგრავს, ან ლენჩო პატარა მეზობელს სახლში ტვირთს მიატანინებს. აი, აგნესა ავიღოთ მაგალითად, რაც ასოციაციაში შემოვიდა, მოგეხსენებათ, თავგებს აღარ იჭერს. რაღას მიკეთებსო? ხომ იტყვის ვინმე. ამ დროს კი, იმ „ვინმეს“ გული თუ აქვს დამძიმებული, ჩაისვამს აგნესას კალთაში, ეფერება და ნელ-ნელა გადაუვლის ის ცუდი განწყობილება... გამიგე?

აგნესამ თავმდაბლად განაცხადა, - ეს მარტო მე არ მეხებაო! ზოგი ზიგლინდას ცქერით განიმუხტება, ზოგიც შენ შეგავლებს თვალს,


ინგიშტერო, და მერე მთელი დღე იტრაბახებს - ირემი ვნახეო... ვის რა შველის...

- ნეტავ, ერთი ვიცოდე, თაკო-მაკო-ლელაკო ვიდას შველიანო?
- ჩაილაპარაკა წიწოლამ.

ბუსო ყვავებს გამოესარჩლა: „წიწოლ! შენ რომ იცოდე, ამათ ისეთი კეთილშობილი საქმეები აქვთ გაკეთებული, აქ რომ მოვყვე, არც კი დამიჯერებთო“. - მაინც ასეთი რა საქმეებიაო?

- მოვყვეო? - მიუბრუნდა ყვავებს ბუსო.

- რა ვიცი, თუ გინდა მოჰყვეო, - მიუგო თაკომ „სამეულის“ სახელით.



ბავშვის უფლებათა კონვენცია: მუხლი 34

მონაწილე სახელმწიფოები ვალდებულებას კისრულობენ, დაიცვან ბავშვი სექსუალური ექსპლუატაციის და სექსუალური ცდუნების ყველა ფორმისაგან. ამ მიზნით მონაწილე სახელმწიფოები, კერძოდ, ორმხრივ და მრავალმხრივ ეროვნულ დონეებზე ღებულობენ ყველა აუცილებელ ზომას, რათა თავიდან აიცილონ:

- ა) ბავშვის დაყოლიება ნებისმიერ უკანონო სექსუალურ ქმედებაზე ან ბავშვის იძულება, მონაწილეობდეს ასეთ ქმედებაში;
- ბ) ექსპლუატაციის მიზნით ბავშვის გამოყენება პროსტიტუციაში ან სხვა უკანონო სექსუალურ პრაქტიკაში;
- გ) ექსპლუატაციის მიზნით ბავშვის გამოყენება პორნოგრაფიასა და პორნოგრაფიულ მასალებში.

- რადგან თანხმობა მივიღე, მოვყვები, რა მოხდაო, - ბუსომ: „ამისთანა ჭო... გათვითცნობიერებული ყვავები (ბუსუსულეები მიხვდნენ, რომ „ჭორიკანაო“ - უნდოდა ეთქვა, მაგრამ ღროზე იკბინა ენაზე) ცხოვრებაში არ მინახავს. გარდა ამისა, არაჩვეულებრივი გუმანი აქვთ. საკმარისია, ბავშვს რამე საფრთხე ელოდეს, ისეთ ჩხავილს ატეხენ, რომ ძალაუბნებურად დააფიქრებენ კაცს: „აქ რაღაცაშია საქმეო...“



„პოლიციელი“ ჯონი

ეშმაკმა თუთიყუშმა შიმპან-ზუკოს გადაულაპარაკა: „ეს ყველაფერი ბუსომ ახლა, სახელდახელოდ მოიგონა, განაწყენებულ ყვავებს რომ ასიამოვნოსო“. შიმპან-ზუკო არ დაეთანხმა: „რა, არაფერი გაგიგია ყვავების წინათგრძნობაზეო?!“ მოკლედ, ვერ შეთანხმდნენ.

უეცრად შურთხიას წივილი გაისმა: „გოოჭიი! სად არის ჩვენი გოოჭიი! ის არ დაუბრუნდეს თავის ბუნავს, ვინც ახლა მაგას ახრამუნეებს! ვაიმე, ჩვენი საყვარელი ჭკვიანი გოოჭიი!“ მართლაც, ბუსუსულეებმა რომ მიმოიხედეს, გოჭი არსად ჩანდა.

- აი, ახალი საფიქრალიო, - ბუსომ, მაგრამ შურთხიას წივილ-კვილს მაინც არ აჰყვა: „შურთხია, შენ რა დაამხეცე ეს წინასწარი დატირებებიო?!“ შურთხია გაკაპასებული პასუხობდა: „მხეცი შენა ხარ, მე კეთილშობილი ფრთოსანი ვარ და ჩემი გულჩვილობის გამო ვიჩაგრებიო...“ - რა უგავს ახლა ამას დაჩაგრულისო? - ჩაილაპარაკა ბუსომ, მაგრამ აღარ შეჰყვა ინდაურთან კამათს. - ისე, მართლა სადაა ახლა ეს ჩვენი ჭკვიანი გოჭიო? ჭიჭიკოს შურთხიას მხარე ეჭირა: „აქაური მგელი ასოციაციაში რომ არ შემოიყვანე, ახლა აიღებს და შეგიჭამს იმ შენს ჭკვიან გოჭსო“. - არაო, - ბუსომ, - მაგან პლაწუნა და მუკო დაიფიცა: „ოღონდ შენ ბუსუსულეებში ჩამრიცხე და ასოციაციის წევრს როგორ შეეჭამო!“



სახელმწიფოს მთავალეა შიროს ყველა
 ასოლომელი ზიმა, რათა იფიან იქნეს
 ასოლომელი ჭეჭეჭის მოყოლა, ჭეჭეჭია,
 ვაჭრომა და მათი კონციაქარია.

ბავშვის უფლებათა კონვენცია: მუხლი 35
 მონანილე სახელმწიფოები ეროვნულ, ორმხრივ და მრავალმხრივ
 დონეებზე ლებულობენ ყველა აუცილებელ ზომას, რათა თავიდან
 აიცილონ ბავშვთა მოტაცება, ბავშვებით ვაჭრობა ან მათი კონტრა-
 ბანდა ნებისმიერი მიზნებით და ნებისმიერი ფორმით.

- ეს პლაწუნა და მუკო ვინდა არიანო? - დაინტერესდა ლენჩო.
- მაგი მე ვიციო, - ინგიშტერმა, - ორი ისეთი აბზარი ლეკვი ჰყავს, აკლებული აქვთ იქაურობაო.

ამასობაში ჭიჭიკო კვლავ მოსაუბრეთა შუაში გაეჩხირა და ყელი ისე მოიდგრა, ცხადი იყო, ლექსის თქმა ეწადა:

ველარ გაუძლო გოჭის გულმა დაცინვას თქვენსას,
თვალცრემლიანმა მიაშურა მან უღრანს ტყესა,
შეაჭმევინა თავი ძალად მშიერსა მგელსა,
ველარ უშველის აწ მას თქვენი გლოვა და კვნესა...

შურთხია ასლუკუნდა. ბუსო, პირიქით, - ხუმრობის ხასიათზე დადგა: რა გინდა ახლა ამით თქვა, ჭიჭიკო, თავი მოვაკვლევიანეთ გოჭს? ესე იგი, მიადგა მგელს ტყეში და რა უთხრა: „მიირთვი, მტარვალო, თავი ჩემი!“, „გთხოვთ შემახრამუნოთ!“ თუ „შემჭამე, შემახრამუნე, აღარ ვუყვარვარ არვისა...“, ჰა, როგორ გგონია?


ჭიჭიკომ გამირული პოზა მიიღო - მკერდი წინ, ნიკაპი მაღლა, - და ზეაწეული ტონით განაცხადა: „ღიან! ჭვიანი გოჭი სოკრატი თქვენი მსხვერპლია, მტარვალეზო!“ ბუსო ისევ მხიარულ ხასიათზე იყო: „შეაგნებინეთ ვინმემ ამ ჩვენს იხვ-პოეტს, პატარა გაკაწრულზე რომ ქვეყანა დააქცია, ის გოჭი თავს არ მოიკლავდა სულელური წყენის გამოო“.

ჭიჭიკო თავისას არ იწლიდა: „გოჭს მორალური ტრავმა მიაყენეთ და სიცოცხლე აღარ უნდაო!“ პასუხად ბუსომ სრულიად სერიოზულად განაცხადა: „პოეტებთან ლაპარაკი შეუძლებელიაო!“

სიტყვა დამთავრებული არც ჰქონდა, რომ ისევ შურთხიამ იკივლა, ოღონდ ამჯერად სინარულით და მოულოდნელობით: „გოჭი დაგვიბრუნდაა! ცოცხალიაა! შიმპანზიკოც დაბრუნდაა!“

ლენჩომ გაიკვირვა, - შიმპან-ზუკო განა აქ არ იყოო?! - დიხაც, არ იყოო, - ბუსომ, - და, მე მგონი, ჩემ გარდა არავის შეუნიშნავს ესო. შიმპან-ზუკო განაწყენდა: „ერთადერთი დიპლომირებული ასოციაციის წევრი გყავართ და ჩემი გაუჩინარება როგორ ვერ შენიშნეთო?“

- დიბლომი რაღა შუაშიაო? - ბუსომ, - ისე, მაინც რა დიბლომი გაქვსო? - ნახატებში მივიღეო, - განაცხადა განაწ-ყენებულმა შიმპან-ზუკომ, - რაში გაინტერესებთ, თუკი ვერც მამჩნევთ, თქვენთან ვარ თუ არაო. - შურთხიას წივილ-კივილმა დააბნია ყველა, თორემ შენისთანა გამოჩენილი მაიმუნის გაუჩინარებას როგორ ვერ შევნიშნავდითო, - დაამშვიდა ბუსომ. - ისე, სხვათა შორის, გამოფენის ლაურეატების



ბავშვის უფლებათა კონვენცია: მუხლი 37

მონაწილე სახელმწიფოები უზრუნველყოფენ, რომ:

ა) არც ერთი ბავშვი არ იცოც წამების, საერთოდ, სასტიკი, არაა-
დამიანური ან ღირსების შემლახველი მოპყრობის ან სასჯელის
მსხვერპლი. არც სიკვდილით დასჯა, არც მუდმივი პატიმრობა,
რომელიც არ ითვალისწინებს განთავისუფლების შესაძლებლობას,
არ შეიძლება შეეფარდოს 18 წლამდე ასაკის პირთა მიერ ჩადენილ
დანაშაულებებს...

დიპლომები მე და ავეუსტინიასაც გვაქვს და, გარდა მაგისა, ფასიანი სასწავლებელი რომ დავამთავრე, ის თუ იციო? - ვიცი, ვიციო, - ჩაილაპარაკა ნირწამხდარმა მაიმუნმა და სალაპარაკო თემა შეცვალა: „თუ იცით, რატომ გავიპარეთ მე და ჭკვიანი გოჭი სოკრატო?“



„შემმოწმებელი“ ჭოტი

საერთო გნიასი შეწყდა და ცნობისმოყვარე ბუსუნსულები შიშვან-ზუკოსა და გოჭს მიაჩერდნენ. ჭკვიანი გოჭი გაბუსუნებული იჯდა და ხმას არ იღებდა. სამაგიეროდ, შიშვან-ზუკო გაიტლიკა: „ჭკვიანი გოჭი სოკრატო რამხელა ჭკუის პატრონი ყოფილა, ახლა დავრწმუნდიო. აგერ, ხომ ხედავთ, რამსიგრძე გრავნილი მოვათრიე - ეს სულ გოჭის ნაკარნახევიაო. სათაური თუ გაინტერესებთ: „ბუსუნსულების ასოციაციის დეკლარაცია ბავშვების დასაცავად“. მოკლედ, აზრები - გოჭის, შესრულება - ჩემი. რითია ცუდიო?!


თუთიყუშმა პაკომ წაგვიკითხოსო, - ერთდროულად წამოიძახა რამდენიმე ბუსუნსულამ. პაკოს ბევრი ხვეწნა არ დასჭირვებია, დაიწყო კითხვა, თან საკმაოდ ბოხი ხმით: „ჩვენ, ბუსუნსულების ასოციაციის ბავშვებთან თანადგომის აქციის მონაწილენი, გავეცანით რა „ბავშვის უფლებათა კონვენციას“, სავსებით ვიზიარებთ მის სულისკვეთებას და ჩვენს ბუსუნსულურ ვალად ვთვლით, ჩვენი წვლილი შევიტანოთ „კონვენციის“ დებულებათა განხორციელებაში“.

- მშვენიერი განცხადებააო, - საერთო აზრი გამოხატა აგნესამ, - მაგრამ, ამდენ ხანს ამ ერთ წინადადებას მოუხდითო? - რატომ, ცალკეულ მუხლებზეც გვაქვს ჩვენ-ჩვენი მინაწერები და თუ ძალიან არ დაიღალეთ, პაკო წაგვიკითხავთო, - ხმა ამოიღო, როგორც იქნა, ჭკვიანმა გოჭმა სოკრატმა.

პაკომ კითხვა განაგრძო: „კონვენციის“ მე-ნ მუხლი, რომლის მიხედვით „ყოველ ბავშვს აქვს სიცოცხლის ხელშეუხებლობის

უფლება“, ყველა ბუსუსულას ავალდებულებს შემდეგს: „თუკი რომელიმე ბავშვს ხიფათი ემუქრება, ბუსუსულამ ყველაფერი უნდა იღონოს, ამ ხიფათის თავიდან ასაცილებლად (ბავშვის ეზოდან ქუჩაში არგაშვება, წყლიდან გამოყვანა, ასანთის გადამალვა, ყეფით განგაშის ატეხა, ცეცხლის ჩაქრობა, შემცივნებული ბავშვის ჩათბობა, გზის გაგნება და სახლში მიყვანა, მოწყვნილი და ნალვლიანი ბავშვის გართობა და მასთან თამაში, უსამართლოდ დაჩაგრული ბავშვის გამოსარჩლება და ა.შ.).

კიდევ ერთი მუხლი, რომელსაც გვინდა განსაკუთრებით მიაქციოთ ყურადღება, 23-ე მუხლიაო, განაგრძო პაკომ, - ახლა



მუაროლესულ კონვლიქტებში მონანიკუ სახელმწიფოები აწესი ილუმენე ყველა შესადლო ზომას, რაია უზუნველოინ, რომ 15 წელს მიულწვეელი პირები პირდაპირ არ მონანილობდენ სამხედრო მოქმედებებში.

ბავშვის უფლებათა კონვენცია: მუხლი 38

1. მონანილე სახელმწიფოები ვალდებულეებას იღებენ, პატივი სცენ შეიარაღებული კონფლიქტების დროს მათ მიმართ ძალის მქონე საერთაშორისო კუმანიტარული სამართლის ბავშვებთან დაკავ- შირებულ ნორმებს და უზრუნველყონ მათი დაცვა.
2. მონანილე სახელმწიფოები იღებენ ყველა შესადლო ზომას, რათა უზრუნველყონ, რომ 15 წელს მიულწვეელი პირები პირდაპირ არ მონანილობდენ სამხედრო მოქმედებებში.

წავიკითხავთ: „... გონებრივად ან ფიზიკურად არასრულფასოვანი ბავშვი სრულფასოვნად და ღირსეულად უნდა ცხოვრობდეს იმგვარ პირობებში, რომლებიც უძლიერებს მას ღირსების გრძობას, საკუთარი თავის რწმენას და უადვილებს საზოგადოების ცხოვრებაში აქტიურ მონაწილეობას“ - აი, ასეთი მუხლიაო. ახლა ნახეთ, როგორი მინაწერი გაუკეთა ამ მუხლს ჭკვიანმა გოჭმა სოკრატმაო: „ჩვენ, ბუსუნსულები, განსაკუთრებით ყურადღებიანნი უნდა ვიყოთ არასრულფასოვანი ბავშვების მიმართ, რადგან ჩვენსავით არავინ იცის, რა მწარედ იჩაგრები მარტო იმიტომ, რომ სხვას არ ჰგავხარ, ან საკადრისი პასუხის გაცემა არ შეგიძლია.

თუ ბუნებისაგან დაჩაგრულ ბავშვებს აკლიათ სათუთი და ყურადღებიანი მოპყრობა, მათთვის ვერავინ იცლის და თავს ობლად გრძობენ, - ჩვენ უნდა ვემეგობროთ მათ, გავახალისოთ, მათი ცხოვრებით ვიცხოვროთ. მოკლედ, გავაკეთოთ ის, რასაც ასე ხშირად ვერ ახერხებენ საქმიანი, მოფუსფუსე უფროსები და, ხანდახან - თავის ჯანმრთელ თანატოლებთან თამაშით გართული ბავშვები“.

- შემდეგ მუხლზე გადადიო, - რაღაც ათრთოლებული ხმით შეეხვეწა პაკოს ირემი ინგიშტერი. ცრემლი მორეოდა და დანარჩენ ბუსუნსულებს რომ არ შეემჩნიათ, თავი დაბლა დაეხარა. რქის წვეტი, ბედად, ისევ ჭკვიან გოჭ სოკრატს მიწვდა, მაგრამ გოჭმა ამჯერად ხმა არ ამოიღო, მხოლოდ ერთხელ ახედა დაფეთებულ ირემს და გვერდზე გაჩოჩდა.


პაკო კითხვას განაგრძობდა: „ის, რაც ჩვენ უკვე განვაცხადეთ, ეხება აგრეთვე „კონვენციის“ 31-ე მუხლს, რომელიც გვამცნობს, „რომ ბავშვს გააჩნია დასვენებისა და თავისუფალი დროის ქონის უფლება“.

- ამ დეკლარაციაზე რომ მუშაობდი, იურიდიულ კონსულტაციას ამბაკო ხომ არ გიწვედაო? - ჩაეკითხა ჭკვიან გოჭს სოკრატს ბუსო. გოჭმა უხმოდ გააქნია თავი, - არაო.

- რამხელა საცოდობა იქნებოდა, ასეთი უჭკვიანესი გოჭი მეგლს რომ შეეჭამაო, - განაცხადა ბუსომ. - ხედავთ, რა წინდახედული

ძალი ვარ, ასოციაციაში მიღებას რომ დავპირდით.

-მაგ პირსისხლიანის მიღება ჩვენს ჰუმანიტარულ ორგანიზაციაში როგორ შეიძლება?! - აღშფოთდა ტურა კომმარინა. ყარყატ წიწოლას თვალები კინალამ გაღმომუცვივდა გაკვირვებისაგან, - ამას რაღა ალაპარაკებსო? - დიდი ხანია, ტურიკოს-ჭირიმე, ქათმებით პირში აღარ დასუნსულებ ტყეშიო?! კომმარინა იფიცებოდა: „ვეგეტარიანელი გავხდი, აგერ - თაკო-მაკო-ლელაკო დამემოწმებინ,



ბავშვის უფლებათა კონვენცია: მუხლი 39

მონაწილე სახელმწიფოები ყველა ზომას იღებენ, რათა ხელი შეუწყონ იმ ბავშვის ფიზიკურ და ფსიქოლოგიურ გაჯანსაღებასა და სოციალურ რეინტეგრაციას, რომელიც ნებისმიერი სახის უგულვებელყოფის, ექსპლუატაციის ან ბოროტად გამოყენების, წამების, სასტიკი, არაადამიანური და ღირსების შემლახველი მოპყრობის, სასჯელის ან შეიარაღებული კონფლიქტის მსხვერპლია. ასეთი გაჯანსაღება და რეინტეგრაცია უნდა ხორციელდებოდეს ბავშვის ჯანმრთელობის, საკუთარი თავის პატივისცემისა და ღირსების გრძობის შენარჩუნების უზრუნველყოფ პირობებში.

მთელი ღღე თავს დამჩხავიან და თვალს არ მაცილებენ. მაგათ კი იციან, - რას ვჭამ და რას - არაო!”



მუკოს და პლაწუნას დედა

თაკო-მაკო-ლელაკომ ერთხმად დაიჩხავლეს: „იმ თავის ბნელ სოროში რას ჭამს კომმარინა, მაგას ვინ გაიგებსო?!“. ბუსომ, - დავიღუპე, კიდეც ერთი აყალმაყალი იწყება, მგონიო, - მყისვე ჭიჭიკო იხმო თავისთან და რალაც ჩასჩურჩულა ყურში. ჭიჭიკო ისეთი დიდკაცური ბაჯბაჯით ბრუნდებოდა თავის ადგილზე, ემჩნეოდა, - ერთობ საპატიო დავალება მიიღო.

თაკო-მაკო-ლელაკო და კომმარინა ზანტად ეკამათებოდნენ ერთმანეთს ვეგეტარიანელობის თაობაზე. კომმარინა დაბეჯითებით მოითხოვდა: „თუ არ მენდობით, ღამლამობით ჭოტი შემომიგზავნეთ სოროში შესამოწმებლად“.

- კარგი ერთი, კომმარინა, სად მოვინახოთ ახლა შემმოწმებელი ჭოტი, ისლაც გვჯერა შენო, - ინგიშტერმა, - მორჩი მაგ ნერვიულობას, აგერ ჭიჭიკო გამოვიდა „სცენაზე“, კიდეც რალაცას წავგიკითხავსო.


ჭიჭიკომაც არ დააყოვნა:

ვინც რომ ბუსუნსულა არის,
- ძაღლი, იხვი, კუ თუ ვირი,
გულთან უნდა მიიტანოს
ყველა ბავშვის გასაჭირი.

- „ბავშვის ყველა გასაჭირი“ აჯობებდა, ალბათ, მაგრამ, იყოს, როგორც არისო... - ჩაილაპარაკა შურთხიამ. ჭიჭიკოს არ მიუგდია ყური, რიხიანად განაგრძობდა:

მოვა დრო და ბუსუნსულებს,
- იხვს, ინდაურს, ირემს, კატას -
დღევანდელი კარგი საქმე
წინ დაგვხვდება ერთი ათად!”

- შენს პირს შექარი, რა ლექსებს წერს! - შესძახა აღტაცებულმა ლენჩომ. კომმარინამ შიმპან-ზუკოს გადაულაპარაკა: „ლექსი როგო-




ქვეშ, რობოტოვ ანონი საარტვია,
 უფლება აქვს მოეჭუნენ იმგვარა,
 რომ ხელი შეუწყო მისი ღირსებას
 გრძნობის გაძლიერებას, ვაფუკისნიშქული
 იქნეს ქვეშვის ასეც ია მის მიმართ
 ვანხორცილეშული ნებასიერი ქველება
 მიმართული იუს სავოგაფოეშაში
 მისი ინტეგრირებისავენ.

ბავშვის უფლებათა კონვენცია: მუხლი 40

1. მონაწილე სახელმწიფოები ცნობენ ყოველი ბავშვის უფლებას, რომელმაც, როგორც თვლიან, დაარღვია სისხლის სამართლის კანონმდებლობა, ბრალად ედება მისი დარღვევა ან აღიარებულია მის დამრღვევად, რომ მისდამი მოპყრობა ხელს უწყობდეს მისი ღირსებისა და საკუთარი მნიშვნელოვნების გრძნობის განვითარებას, განუმტკიცებდეს მას ადამიანის უფლებებისადმი და სხვათა ძირითადი თავისუფლებებისადმი პატივისცემას, ითვალისწინებდეს ბავშვის ასაკს და მისი რეინტეგრაციის, საზოგადოებაში მის მიერ სასარგებლო როლის შესრულებისათვის ხელშეწყობის სასურველობას.

რია არ ვიცი, მაგრამ თავისი თავი ორჯერ რომ ახსენა და ჩვენ კი - არც ერთხელ, თუ შენიშნეო? შიმპან-ზუკომ თანხმობის ნიშნად თავი დაუქნია.



მგლის ლეკვები მუკო და პლაწუნა

უმეტესობას მაინც არ მიუქცევია ყურადღება ასეთი დეტალისათვის და, კრების დასასრულს რომ ახასიათებს ხოლმე, ისეთი უმართავი მისვლა-მოსვლა დაიწყო.

- ესენი ვინა არიანო?! - წამოიძახა წიწოლამ. უკვე შებინდებული-ყო და ხეებს შორის ორი წყვილი ცნობისმოყვარე თვალი ანათებდა. - მოიცა, მოიცა, რაღაც მეცნობიანო, - ბუსომ, და რამდენიმე ნაბიჯი გადადგა დაუბატიყებელი სტუმრებისაკენ. მერე თავისიანებს მოუბრუნდა და ამცნო: „როგორ გგონიათ, ვინ არიან ეს ჩემი ცოდვით სავსენი, - მუკოა და პლაწუნა!.

- „შარო საიდან მოდიხარო!“ - იმწამსვე მიაყოლა ანდაზების მოყვარულმა ლენჩომ. ბუსომ დაამზვიდა: „ნუ დელავ, ლენჩო, ამ ორ შტერს მე მივუყვან დედამისს და, თუ უნდა, იმან მიტყიპოს. ბინდდება და აბა, თქვენ იცით, დროზე დაიშალეთო“.

- „კონვენციაო“? - შეახსენა ინგიშტერმა.

ბუსოს აღარაფერი უპასუხია, შესაშინებლად ერთი კი შეუღრინა მუკოს და პლაწუნას - „მომყევითო!“ და ორი მოწკავეწკავე, დამფრთხალი მგლის ლეკვის თანხლებით ტყეში გაუჩინარდა.

პირთა საძიებელი (კომენტარებითურთ)

ასოციაციის პრეზიდენტი:



ბუსო (ბუსუნსულა) – დამსახურებული ნაგაზი, საერთაშორისო ორგანიზაციებში მუშაობის გამოცდილებით – 3-67

ასოციაციის წევრები:




აგნესა – კატა, ტელევიზორთან გაზრდილი და სერიალების დიდად მოყვარული – 5; 10; 15; 22; 35; 37; 39; 41; 47; 49; 52; 53; 55; 61



ავგუსტინა (ავგუსტა) – ტაქსა, ოჯახის ქალი, რიჩის დედა – 9; 19; 20; 29; 31; 33; 39; 49; 61



ამბაკო და ლამზირა – თაგვები, ცოლ-ქმარი: ამბაკომ არაერთი წელი გაატარა სასამართლოს არქივში. იქვე გაიცნო ლამზირა, რომელიც კანცელარიიდან ჩამოდიოდა ხოლმე – 5; 9; 12; 13; 36; 37; 39; 40; 41; 43; 45; 46; 49; 51; 63



ზიგლინდა – დიდი ცხოვრებისეული გამოცდილების მქონე კუ, რომლის გამოთქმებიც ფართოდაა ცნობილი – 3; 6; 13; 15; 17; 19; 26; 31; 51; 55




თაკო-მაკო-ლელაკო – ყვავები, დები. 50 წლის წინ მღეროდნენ საბავშვო ანსამბლში „ყვავილნარი“; კაკადუს ჯინაზე ნისკარტებს ყვითლად იღებავენ. – 13; 25; 38; 41; 53; 56; 64; 65



ინგიშტერი – გულჩვილობით გამორჩეული ირემი
– 25; 37; 39; 55; 58; 63; 65; 67



კოშმარინა – ტურა, დიდი ეშმაკი ვინმე – 7; 9; 25; 25;
50; 64; 65



ლენჩო – ძალიან საყვარელი ჩოჩორი – 9; 17; 23; 49;
55; 58; 67




პაკო – ზოოპარკიდან გამოპარული თუთიყუში.
მას შემდეგ, რაც ბუსუნსულებში ჩაირიცხა,
საგრძნობლად გამოსწორდა, თორემ ზოოპარკში
მინცდამინც კარგი რეპუტაცია არ ჰქონდა
(იგინებოდა და ა.შ. იხ.: ზაზა აბზიანიძე, „ბუსუნ-
სულები“, გვ. 35-41) – 8; 13; 17; 19; 26; 27;
28; 46; 53; 54; 57; 61; 62; 63



სოკრატი (სრული სახელია – „ჭკვიანი გოჭი სოკრატი“) –
მართლაც ძალიან საყვარელი და ჭკვიანი გოჭი.
პატარა გართულება აქვს მხოლოდ ჯანმრთელო-
ბის თაობაზე – 26; 31; 37; 39; 40; 41; 47; 48;
52; 57; 58; 61; 63



შიმპან-ზუკო – შიმპანზე, ესეც ზოოპარკიდან გამოპა-
რული. აშკარა მხატვრული ნიჭით და დიპლომე-
ბით დაჯილდოებული (იხ.: ზაზა აბზიანიძე,
„ბუსუნსულები“, გვ. 34-36) – 4; 5; 6; 13; 19;
23; 45; 50; 53; 57; 58; 59; 60; 61; 65; 67



შურთხია – ინდაური, ძალიან სენტიმენტალური და ცოტა ნერვებაწეწილი გაუთხოვრობის ნიადაგზე: რამდენიმე წლის წინ უიმედოდ შეუყვარდა გედი კარლო, რომელმაც, ბედად ორჯერ გადაუფრინა მის ეზოს – ერთხელ გაზაფხულზე, ერთხელაც შემოდგომაზე და სამუდამოდ წარიტაცა თან შურთხიას გული – 9; 11; 12; 38; 44; 47; 49; 50; 53; 57; 58; 59; 60; 65



წიწოლა – ყარყატი, უვნებელი არსება – 15; 25; 35; 37; 41; 51; 56; 64; 67



ჭიჭიკო – იხვ-პოეტი, ნებისმიერი ტექსტის მომენტალური გარითმვის დიდოსტატი. პირად ურთიერთობაში ცოტა რთული, როგორც პოეტების უმეტესობა – 5; 14; 23; 26; 27; 28; 30; 31; 33; 38; 39; 41; 45; 46; 47; 48; 49; 57; 58; 65

ღანარჩმნები:



ავტორი – ბუსუნსულების მეგობარი. პრესის საშუალებით დიდად შეუწყო ხელი ბუსუნსულიზმის იდეების პოპულარიზაციას – ყუაზე



ინგა – კაჭკაჭი. ენაგრძელი, როგორც ნამდვილ კაჭკაჭს შეეფერება, მაგრამ უბოროტო – 43; 45

კურკაძეები (ტურკაძეების მტერ-მოყვარენი) – 8; 10; 33; 35



ლექსო – მოწაფე, ერთი ჯილდას თანაკლასელი და მეორის პატრონი. მშობლების თქმით: „ნიჭიერი და ზარმაცი“. ამ სურათზე ყუთში ზის ჯილდა I-თან ერთად – 29; 30; 31



პლაწუნა და მუკო – მგლის ლეკვები, დიდი აბეზარი ვინმენი – 57; 58; 67



პლაწუნას და მუკოს დედა – იქაური მგელი, ასოციაციის წევრობის მოსურნე. ამ სურათზე ცოტა მრისხანე ჩანს, მაგრამ გული აქვს კეთილი – 57; 58; 63; 65; 67



სალომე – ბუსუნსულას ყოფილი პატრონების, კურკაძეების ქალიშვილი – თავქარიანი არსება, ბედგამონაცვალი – 35



შემმოწმებელი ჭოტი – იქაური ჭოტი, ასოციაციის გულშემატკივარი, უყვარს ბუ (იხ.: ზაზა აბზიანიძე, „ბუსუნსულები“, გვ. 59) – 61; 65



ჯილდა II – „ბალონკა“, ლექსოს ოჯახის წევრი. დიდად საზრისიანი და ეშმაკი არსება – 29; 30; 31



ჯონი – ანტინარკოტიკული სამსახურის დამსახურებული ნაგაზი, დაჯილდოებულია სამკერდე ნიშნით – 53; 54; 57

In February, 2001, this Fairy tale was awarded the First Prize at The UN Children's Fund (UNICEF) competition for creating the best literary work reflecting "The Convention on the Rights of the Child (UNCRC)"

B O N N I E S

Illustrated by the Author

© Zaza Abzianidze. text, illustrations, design

© Pegasus Publishing House, 2009